

道書集成

九洲圖書出版社



增刻道藏輯要

文昌帝君本傳

文昌帝君姓張諱善勳周初吳會間人也其始祖曰黃帝之子  
揮始造弦張弓世掌其職子孫因以張爲氏顯於吳有張老者  
年五十許祈子其夜天文煥爛張宿昭然適符其姓感而降焉  
張母夢吞珠遂娠踰年帝君生時周武王之乙巳年仲春也生  
有異表幼不好弄吳距周京遠翦髮文身文物無稱帝君乃尋  
冠履自習禮文有耆舊來謁隱者口誦唐虞大訓數篇曰中國  
使所傳者帝君聞而好之記授無遺邑人願學者咸以爲師然  
鄉居故事畎澮鋤得金像冠服儼然約重鈞餘未知何神或曰  
道藏輯要 文帝本傳 星集八

元始天尊也昔禹治水冶金爲神物以鎮方嶽豈此像之類乎  
帝君家素貧亦未嘗因以爲利一日海水大至遠近奔駭非人  
力可支帝君以金像棄高投狂濶中曰吾爲眾捨之俄風止潮  
回一境獲免邑人以是爲德也皆以粟帛謝不能拒家道由是  
豐裕異時蹤跡所投像仍得之沙磧中築宮安奉邦人敬事之  
張母少勤苦六旬而疽發背醫視罔效帝君計窮既爲吮咀乃  
病久食少復成羸瘠醫曰此痼疾以人補人庶可平復帝君剔  
股供之空中語曰上帝以汝純孝延汝母壽二紀翼日勿藥果  
瘳帝君逾冠未受室母每以未見孫慮爲念一夕夢至一林麓  
塚傍有門坐觀妝女子其中顧而語曰君非張善勳乎妾乃鄰

家仲氏女曩者叔父以君好學尙禮古君子也議以妾歸君吾  
父以君貌寢難之後許一富家子清議無聞然妾以君故遂得  
疾死今三年矣君曷爲我圖之帝君悸而寤他日與友儀堅成  
縱步尋幽至一所與夢中境相似方告之前事共相驚歎而塚  
中人呼郎而出卽向時夢中所見者也儀是其舅家走告仲之  
父母迎歸卒爲婚吳俗女嫁而未孕者與臨神潭索石或瓦以  
判男女張母命仲氏求之得石隱隱有淵字文歸而有妊生男  
遂名曰淵石方齠齔仲氏語帝君曰此兒眞似君妾與君世緣  
盡矣遂歿自是不復娶歲在作噩帝君年三十六矣時疫毒流  
行交年八十五母年七十三同日逝帝君親持香鐺營墓廬墓  
道藏輯要 文帝本傳 星集八

三年有三百雉樓樹祭則飛鳴而下終制不見墓五年墓西水  
暴發欲改卜無及乃齋戒守墳日夜誦大洞經按帝君鄂城外  
洞經序云得之夢中神人所授並取向所奉金像嚴事之墓前溪谷變成堅瑯  
皆孝感之所致也每憾瘟癘之酷力不能報誦經敬像益勤冀  
獲陰佑以治瘟鬼又三年夢金像語曰大洞仙經爾熟記矣大  
洞法錄爾未見也今當授汝非惟契汝初心亦可佐天行治神  
出二書授之既覺書在枕前一曰大洞錄一曰大洞法因開錄  
讀至天駒甲卒一萬人度之句忽風雷晝暝金甲朱綬者無數  
列前請命帝君命以治疫鬼一持紅旗者領百餘人去頃執五  
鬼使至帝君怒叱之將滅其形五使有辭曰弟子元伯等感運

所生歲氣所成所遊有方所病有人陰譴重者受其災天命絕者至於死非弟子等敢私若真官賜以寬貸此後願聽約束見真官符籙所在卽不敢行災因授以教救去閭里病瘟者與之符法全活極多然有內因外因之感皆岐伯神農氏之學非道家法籙事也於是講究脈理翫味藥性討論五行之勝復習熟五鍼之迎隨勤苦六年始造其妙或聞於國君方以砭劑爲事未幾又爲京周所知驛召至都愿試之以爲醫師掌萬民之疾苦隸於天官蓋成王之世也其屬有湯醫公孫智叔賦性慈慧而記問詳博成王獵有疽生一夕潰沃厥勢危殆智叔以藥敷之應手而瘥至是舉兼已職王以所薦得人遷司諫三辭而後

道藏輯要

文帝本傳

三

星集八

受當成王之幼也聽政周公及長帝君恐左右間言每以君臣終始禍福幾微爲戒而諫草屢焚人無見者故周公東征雖有四國流言召公不悅之隙終能保全帝君有力焉帝君在京周十年倦翼思還乞骸之疏數上始從其請既歸里人迎候自近郊舍車而徒鄉曲榮之張有數族貧窶帝君興起義莊以淵石主之爲之教養婚嫁醫藥周給他族聞風翕然相效而吳俗漸美矣亡何道逢一人行且歌曰朝陽之瞰觸石生雲初焉髣髴已而繽紛隨風而出蕩漾無垠俄變化以歸盡杳不知其所存伊仕者之利祿忘其勞而駿奔忽暮景之見迫畏大限焉逡巡將投足於幽趨爲異類兮芸芸帝君聞之下車求教行歌子仰

道藏輯要

文帝本傳

四

星集八

天而歎指以心印授以正訣曰此西方聖人古皇先王歸寂法也能念而習之可度生死死而不亡證無量壽既受教百慮頓灰是秋會集親友留頌而逝頌曰秋風瑟瑟秋月白白得吾之真知身是客有二青童自天而下宣旨以帝君爲君山主宰兼洞庭水治其在宣王時爲張仲王父平子父無忌母黃氏無忌事厲王爲保氏諫王除監謗之令王怒流於番禺而死黃氏泣祝於洞庭之君山生帝君因名忠嗣仲其字也宣王立詣京登肺石自明詔追復其父官諡曰獻仍以仲爲保氏有兄允思早世無後帝君以次子懋陽繼其後王母趙氏年八十終王父以哀廢食尋不起帝君以孫承子服哀毀盡禮中外以孝友稱字而不名詩所謂張仲孝友者也與尹吉甫同朝吉甫出征左右讓之爲賦汚水之什王聽之得保其終無忌之得罪也實以南風成之譜其子溫叔有才而賢保氏關人帝君舉仇以溫叔代同官師氏韋仲將死無子帝君嫁其三女二幼者納爲已子然明懋陽之婦黃氏壽百歲矣而視聽不衰平生持內觀經有所得一日呼帝君並其婦孟氏語以超悟之理而逝後再世得道爲妙惠真人云王奪帝君情起復時吉甫召公南仲方叔皆故惟帝君爲老臣王初以宮涅爲太子諫不可及幽王嗣積怒因致仕歸與鄉人燕飲爲樂王卒賜酒帝君飲之死神遊西蜀經雪山留居上帝命爲雪山大仙又命爲蜀北門山王所謂北郭



張仲子也神遊崆峒遇太上老子授以大丹曰大者與道合真丹者與心爲一爾後五通具足非汝夙昔之比又曰吾今入西域行化三百年後西方之教當來中國汝宜信之又曰爾既有功於蜀宜永享蜀祀以慰斯民是秦并蜀之時也其爲雪山大仙也適吉甫長子伯奇爲道士裝詣朝求見朝臣皆不識王命遣人至瀘江召吉甫親故察之帝君出山赴召自稱雪老劉王以伯奇已死事召道士示之則果伯奇也自言遇尹真師杜道長賜丹得生於是王以伯奇爲司馬詳載別錄其在晉武帝時爲張亞時太康八年丁未二月三日生於兩越之間里老張家祥光罩戶黃雲迷野里人咸謂張公曰君今六十而得貴嗣童道藏輯要

文帝本傳

五

星集八

稚時不好嬉戲每慕山澤語言若有隱顯及長淹貫羣書避厭獨遊樂身常有光見諸民祈禱則咄之長嘯曰土木而能衣人之衣食人之食享之而有應謗之而有禍我爲人而焉無靈乎自後夜夢或爲龍或爲王者天符或爲水府曹自怪而不之信也後三農僊同早舞雩祝神無驗因思夢治水府事夜往水際以夢中官銜牒河伯忽爾陰雲四合風號雷震一吏稽首曰運判徙居帝君曰余張氏子名亞字需美字書作大非運判也吏曰奉帝命促子問家人如何曰先至治所矣遂揖上一白驢而起俛首里閤在風雨聲中頓失鄉邑到一山連劍嶺而撐參宮若鳳凰之偃下有古湫吏引入巨穴門有數口符吏曰民之禱雨

祝此石卽應名雷柱方褰衣入穴吏曰君憶周室爲人七十三化陰德傳家而迄今否帝君大悟吏曰君在天譜得神仙之品於人世鮮有知之者晉有中興之兆君可尋方顯化後元帝南渡綏撫江左帝君作儒士稱謝艾跨白驢往河西應孝廉謁張軌以爲主簿張重華嗣位麻秋寇涼州帝君以步騎三萬人敗之秋匹馬宵遁繼往關中與姚萇爲友約萇曰苟富貴無相忘後萇以龍驤將軍使蜀至鳳山來訪假以鐵如意前召詣玉京時帝賜所執杖曰如意者是也一麾而旌旗蔽天戎馬萬餘列之平坂卽今之試兵壩也後萇卽帝位國號秦皆吏所言尋方顯化之事吏言訖而去至穴中則有王者宮室服用玉階七曲

道藏輯要

文帝本傳

六

星集八

丹桂千株見家人具在遂居其間士民於閭中梓潼縣立廟祭祀稱梓潼君廟在九曲之北有降筆亭中以金索懸一五色飛鸞鸞口銜筆用金花箋數百幅留筆下亭門府封鎖甚嚴降筆訖有鐘自鳴廟吏聞於府啟鑰取書以觀報應其降筆多勸人以忠孝有陰陽文及訓語甚多帝君每出駕白驢隨二童曰天驤地啞帝君爲文章司命貴賤所係故用驢啞於側使其知者不能言言者不能知天機弗洩也凡禳災祛禱雨祈嗣有惑必通世有虔奉之者常降乩直書或現夢隱示又能鎮伏妖魔疫癘鬼神聞驢鳴則遠遁爲其習啖邪物也帝君嘗曰憶往昔劫中廣行陰陽多諸方便以忠孝爲本利濟物爲心三千功

滿證果天仙後因夙孽自蜀歸依如來洗我夙垢拔除煩惱一時遂悟本心脫離苦趣如來授記我爲證果定慧王菩薩自爾之後常隨如來發明本妙明心圓明覺性直證圓覺授記我爲梵鎮如來故證安樂不動地遊戲三昧定慧王菩薩釋迦梵鎮如來位曾特加金闕昊天太師糾察三界禍福事後又以帝君自龍漢初劫已三千餘化迄周武王之乙巳歲降生於清河氏九十餘世之盡忠盡孝百千萬化之積功累行當次天帝之位宋紹熙六年正月十五日進封帝號南極長生眞王九天開化主宰不驕樂育天帝更生永命天尊所居之宮一曰紫微垣文昌宮一曰玉霄絳宮乃慈憫自誓以孔孟伊周之學道德仁義之道藏輯要

文帝本傳

七

星集八

義陵劉體恕贊曰或有問輪迴之說者曰世謂生死輪迴豈天地之氣僅有此數流轉於古今乎余應之曰固也今謂必不輪迴又豈天地之氣僅不計其數而不能流轉於古今乎或無以答蓋尋常之氣生則聚死則散若其正而大者自必長留天地間而不朽也又何疑乎帝君之一十七世爲士大夫身哉嘗考帝君自爲士大夫時誦法唐虞大訓以來得丹於柱下授記於鷲峰由儒入道皈釋一身備三教之全而以儒爲主與孔子同故曰文昌先天之孔子孔子後天之文昌不必以孔子不言輪迴與帝君所述一十七世者異而存分別見也故敬叙次其歷劫本末之著者爲傳抑余因之有感焉夫士大夫身不易得也皆前世修來者也以之作孽則孽無窮以之造福則福亦無窮卽帝君證果亦從士大夫身起矣後之士大夫顧可不以帝君爲法而思所以保之而任其墮落也哉

道藏輯要

贊

八

星集八

聖誕考

帝君二月初三日誕聖祖母十月初五日誕聖父二月十一日  
誕聖母七月初七日誕聖后五月初三日誕聖長子三月初三  
日誕聖長婦八月初一日誕聖次子正月初一日誕聖次婦二  
月十八日誕懿孝公主四月十六日誕聖長孫七月初三日誕  
聖長孫婦正月二十八日誕聖次孫十月十三日誕聖次孫婦  
七月二十三日誕  
每逢聖誕之日宜齋戒

道藏輯要

聖誕考

九

星集八

聖位考

帝君聖位證金闕太師昊天檢校洞照通真先生九天開化主  
宰靈應大天帝上仙元皇君聖后證恭順淑應德惠昭懿皇后  
冲和洞妙元君聖祖母證初劫賦形長生聖母元君聖父證顯  
應慈祐仁裕令德王證果太元初帝儲真衍慶天尊聖母證昭  
德積慶懿慈恭惠太后嗣慶儲祥元君聖長子證至仁至孝至聖至  
慈嗣德履孝王文昌衍慶真君聖長婦證助善顯懿循孝夫人  
文昌靜應元君聖次子證至仁至孝至聖至慈昌德立孝王文  
昌司祿真君聖次婦證助順惠懿克孝夫人文昌嗣慶元君聖  
女證淑貞妙靜懿孝公主文昌萬壽元君聖孫證紹應昭靈至  
體孝夫人文昌襲慶元君

道藏輯要

聖位考

十

星集八



道書集成

一十七世考

陰陽文云吾一十七世爲士大夫身今按帝君生於周初爲張善勳子淵石初爲醫師遷司諫又一生生周宣王時爲張忠嗣字仲祖平子祖母趙氏父無忌母黃氏長子然明次子懋陽襲父職爲保氏陞大夫又一生生於漢初爲趙王如意又一生生於章帝元和間爲張勳禹之子也爲清河令又一生生於順帝永和間爲張孝仲又一生生於河朔爲鄧艾從事伐蜀時爲行軍司馬又一生晉武帝時生於兩越之間爲張亞又一生爲王通又一生生於宋紹聖爲張浚見於化書者九世其餘皆不可考

道藏輯要

一十七世考

上

星集八

詔彙

晉司諫詔曰咨爾善勳直情無隱朕念良醫活人太醫活國今置爾言路以旌汝賢汝其以救疾之心救正吾失嗚呼惟良藥苦口利於病忠言逆耳利於行汝往欽哉毋易所守賜如意杖詔曰咨爾孝仲萬靈之雄忠孝全節世資爾功資爾斯杖無所不通特加金闕太師詔曰文昌者教化之本源實傳列聖之業儒士者大德之淵藪宜推一德之忠播告諸天亶孚有眾惟文昌司祿主者職貢舉眞君衛民少傅靈應帝君張某德被萬物威形四方粵自有生顯從浩劫順考古道鑒觀人文照臨並日月之明發生贊乾坤之化是以教耕稼而民人育每裁制而自道藏輯要

詔彙

上

星集八



讚集

立天上帝讚曰玄黃一氣肇形始青上應張翼下炳炎精開張  
萬範宰輔三清功滿道備通神通靈崇應大帝讚曰德被萬物  
威形四方下統三界上佐玉皇道贊天地教演綱常分身救劫  
保制延康上德眞君讚曰大洞教主長生眞王糾察三界禍福  
四方輪迴救苦壽域儲祥億千萬化主宰文昌孚佑帝君讚曰  
斯文宗主釋道眞如玄風清逸慈範魁梧功參天地化育賢愚  
飛鸞顯蹟幹運璇樞垂恤忠孝勸懲邪誣宏仁廣嗣錫祿除瘡  
百靈拱伏萬彙咸甦讚之以道道不在書書之以德德不在圖  
大哉文祖允矣眞儒

道藏輯要

讚集

三

星集八

五百靈官爵位姓氏總錄

執法無私王元帥

東岳太保溫元帥

飛天神王馬元帥

黑虎降魔趙元帥

精忠報國岳元帥

判雷主者鄧元帥

運雷主者辛元帥

駕雷主者張元帥

驗雷主者陶元帥

雷府都督龐元帥

雷府都督劉元帥

雷府都督苟元帥

雷府都督畢元帥

雷兵統領彭元帥

雷兵統領韓元帥

雷兵統領許元帥

雷兵統領典元帥

斗口執事趙元帥

道藏輯要

五百靈官名號

二斗集十一

斗口飛行馬元帥

斗口威靈修元帥

斗口奏事紀元帥

三元王將馮元帥

北極先行程元帥

東岳神威丙元帥

水府主將邱元帥

火府主將青元帥

水宮降魔關元帥

火宮守壇曹元帥

金宮掌陰韓元帥

土宮現生孔元帥

木宮裨將周將軍

征遼護國薛元帥

威鎮三山薛元帥

西天門下尉遲元帥

降妖盪寇秦元帥

三界急行謝元帥

英銳無私裴元帥

白袍明武羅元帥

除奸護國楊元帥

錦帆耀武甘元帥

忠義配享張天王

虎牢威武呂元帥

常勝將軍趙元帥

據江鎮國潘元帥

正直果毅魯元帥

三山定志張元帥

關帝駕下廖元帥

飛行盪寇逢元帥

飛行除祟紀元帥

飛行斬妖蘭元帥

忠襄威武劉元帥

輔皇定遠毛元帥

忠孝雙全周元帥

神威不測黃元帥

猛烈進業尤元帥

猛威進德王元帥

英明果敢岳元帥

輔國揚威張元帥

道藏輯要

五百靈官名號

二斗集十二

懷仁守義湯元帥

定霸除奸楊元帥

飛天勇烈徐元帥

敢死先登李元帥

罡班第一守元帥

罡班第二千元帥

罡班第三羊元帥

罡班第四火元帥

罡班第五番元帥

罡班第六子元帥

罡班第七罡元帥

罡班第八八元帥

罡班第九土元帥

罡班第十木元帥

天魁首領鳴元帥

天罡首領哈元帥

天智首領巧元帥

天法首領同元帥

天毅首領甫元帥

天威首領斗元帥

天富首領首元帥

天貴首領太元帥

天空首領鎮元帥

天孤首領父元帥

天壽首領吉元帥

天祿首領正元帥

天藝首領明元帥

天文首領昌元帥

天驛首領柳元帥

天都首領君元帥

天蓬首領遠元帥

天牢首領居元帥

天通首領得元帥

天行首領喬元帥

天急首領邦元帥

天緩首領孫元帥

天廚首領百元帥

天貨首領高元帥

天德首領祥元帥

天喜首領下元帥

道藏輯要

五百靈官名號

三一斗集十二

天福首領支元帥

天交首領成元帥

天定首領許元帥

天志首領井元帥

天巧首領邱元帥

天恩首領恆元帥

天赦首領佳元帥

天禽首領魚元帥

天獸首領莫元帥

天幻首領曾元帥

天罡裨將風元帥

天罡裨將雷元帥

天罡裨將水元帥

天罡裨將火元帥

地魁首領姚元帥

地煞首領耿元帥

地智首領氏元帥

地法首領生元帥

地病首領虎元帥

地瘟首領行元帥

地急首領共元帥

地緩首領卞元帥

地長首領元元帥

地短首領分元帥

地行首領領元帥

地走首領昇元帥

地亡首領田元帥

地滅首領山元帥

地畜首領蒲元帥

地尅首領益元帥

地暴首領花元帥

地虐首領因元帥

地毒首領兆元帥

地惡首領乙元帥

地禽首領卓元帥

地獸首領紅元帥

地賊首領方元帥

地怪首領陰元帥

地巧首領展元帥

地拙首領安元帥

道藏輯要

五百靈官名號

四二斗集十二

地刃首領光元帥

地血首領巳元帥

地壕首領毛元帥

地哭首領甯元帥

地囚首領湯元帥

地獄首領班元帥

地輪首領卜元帥

地滾首領袁元帥

地陷首領自元帥

地困首領烟元帥

地罪首領青元帥

地苦首領伏元帥

地痛首領蕭元帥

地危首領更元帥

地破首領曾元帥

地貪首領休元帥

地慳首領馬元帥

地解首領呃元帥

地厄首領泰元帥

地坑首領鄭元帥

地賈首領奉元帥	地虛首領坯元帥
地空首領成元帥	地孤首領畜元帥
地幻首領盆元帥	地隱首領可元帥
地非首領本元帥	地否首領公元帥
地良首領二元帥	地柔首領冉元帥
地分首領華元帥	地合首領段元帥
地離首領開元帥	地別首領宣元帥
地天首領眞元帥	地擊首領關元帥
地裂首領都元帥	地逆首領包元帥
地窮首領酉元帥	地賤首領丁元帥
道藏輯要	五百靈官名號
地冲首領支元帥	地刑首領業元帥
地失首領郎元帥	地遁首領衢元帥
地總首領牢元帥	地翼首領羽元帥
地煞禪將疾元帥	地煞禪將牛元帥
地煞禪將朗元帥	地煞禪將肖元帥
地煞禪將葛元帥	地煞禪將車元帥
地煞禪將程元帥	地煞禪將朱元帥
地煞禪將劉元帥	地煞禪將張元帥
地煞禪將元帥	地煞禪將元帥
早朝明德劉元帥	早朝果義張元帥
早朝仁威徐元帥	早朝懷甯耿元帥
早朝忠智金元帥	早朝威烈許元帥

五百靈官名號

五

二斗集十一

早朝靖遠高元帥	早朝保國呼元帥
早朝奉法丁元帥	早朝強毅劉元帥
早朝盛烈馬元帥	早朝表義陳元帥
早朝忠襄鄭元帥	早朝武謨尤元帥
早朝通遠盛元帥	早朝定遼郭元帥
早朝建威伍元帥	早朝誠意辛元帥
早朝感化馬元帥	早朝智孝周元帥
早朝京江王元帥	早朝北同岳元帥
早朝正肅鄂元帥	早朝靈威李元帥
早朝明武韋元帥	早朝奮績耿元帥
道藏輯要	五百靈官名號
早朝修誠袁元帥	早朝重義盧元帥
早朝保民陶元帥	早朝靈威完元帥
早朝秉義賈元帥	早朝鼓善郎元帥
早朝懷威蕭元帥	早朝勇烈丁元帥
早朝果猛郁元帥	早朝正山錢元帥
早朝速報萬元帥	早朝檢籍宗元帥
早朝護法馮元帥	早朝標騎周元帥
早朝神鷹鄧元帥	早朝屈敵王元帥
早朝義勇屈元帥	早朝明惠王元帥
早朝剛仁稽元帥	早朝昭遠張元帥

五百靈官名號

六

二斗集十一



中朝貫虹穆元帥	中朝揚武秦元帥
中朝武甯胡元帥	中朝多耳高元帥
中朝三目麗元帥	中朝背劍蔣元帥
中朝橫刀曾元帥	中朝白戰漢元帥
中朝忠孝吳元帥	中朝遜義溫元帥
中朝威靈邱元帥	中朝仁遠毛元帥
中朝高華鄒元帥	中朝泰光冉元帥
晚朝總領翟元帥	晚朝佐威鄒元帥
晚朝奏疏薩元帥	晚朝降魔喬元帥
晚朝煉義許元帥	晚朝靈遠卞元帥
道藏輯要 五百靈官名號 七 一一斗集十一	
晚朝彪襄陰元帥	晚朝雙鞭鄒元帥
晚朝長鎗趙元帥	晚朝鎖殿王元帥
晚朝奇靈江元帥	晚朝文明班元帥
晚朝全仁宋元帥	晚朝純忠陸元帥
晚朝監邪花元帥	晚朝奉法馬元帥
晚朝護駕趙元帥	晚朝照遠蔡元帥
晚朝光仁何元帥	晚朝大量劉元帥
晚朝謹威高元帥	晚朝耀德成元帥
晚朝本忠殷元帥	晚朝太歲郭元帥
晚朝成仁徐元帥	晚朝進烈余元帥

晚朝寶明韓元帥	晚朝遼光晉元帥
晚朝武惠祖元帥	晚朝知事林元帥
正甲宮荀元帥	正乙宮楮元帥
正丙宮關元帥	正丁宮竇元帥
正戊宮劉元帥	正己宮張元帥
正庚宮余元帥	正辛宮宮元帥
正壬宮韋元帥	正癸宮鄭元帥
正子宮竺元帥	正丑宮坡元帥
正寅宮昂元帥	正卯宮房元帥
正辰宮季元帥	正巳宮灑元帥
道藏輯要 五百靈官名號 八 一二斗集十一	
正午宮進元帥	正未宮邦元帥
正申宮忝元帥	正酉宮監元帥
正戌宮國元帥	正亥宮植元帥
甲子宮丁元帥	乙丑宮馬元帥
丙寅宮順元帥	丁卯宮耳元帥
戊辰宮開元帥	己巳宮木元帥
庚午宮法元帥	辛未宮平元帥
壬申宮正元帥	癸酉宮多元帥
甲戌宮定元帥	乙亥宮分元帥
丙子宮金元帥	丁丑宮舒元帥

戊寅宮廖元帥	己卯宮石元帥
庚辰宮點元帥	辛巳宮蔡元帥
壬午宮恭元帥	癸未宮西元帥
甲申宮明元帥	乙酉宮文元帥
丙戌宮張元帥	丁亥宮伯元帥
戊子宮本元帥	己丑宮永元帥
庚寅宮樊元帥	辛卯宮施元帥
壬辰宮甯元帥	癸巳宮梁元帥
甲午宮有元帥	乙未宮斬元帥
丙申宮呼元帥	丁酉宮足元帥
戊戌宮晉元帥	己亥宮蘇元帥
庚子宮正元帥	辛丑宮祝元帥
壬寅宮卜元帥	癸卯宮申元帥
甲辰宮袁元帥	乙巳宮太元帥
丙午宮焦元帥	丁未宮葉元帥
戊申宮朱元帥	己酉宮玉元帥
庚戌宮朗元帥	辛亥宮聞元帥
壬子宮遵元帥	癸丑宮肖元帥
甲寅宮午元帥	乙卯宮奠元帥
丙辰宮野元帥	丁巳宮徐元帥

道藏輯要

五百靈官名號

九

二斗集十一

戊午宮屠元帥	己未宮關元帥
庚申宮墨元帥	辛酉宮原元帥
壬戌宮休元帥	癸亥宮除元帥
乾方主者雲元帥	坎方主者基元帥
艮方主者祈元帥	震方主者木元帥
巽方主者來元帥	離方主者真元帥
坤方主者野元帥	兌方主者洛元帥
南斗掌軍靈元帥	北斗掌軍靈元帥
中斗掌軍靈元帥	東斗掌軍靈元帥
西斗掌軍靈元帥	日遊守子寶元帥
日遊守丑比元帥	日遊守寅器元帥
日遊守卯罔元帥	日遊守辰莊元帥
日遊守巳倪元帥	日遊守午殆元帥
日遊守未攻元帥	日遊守申祿元帥
日遊守酉義元帥	日遊守戌殷元帥
日遊守亥端元帥	子宮正刻勾元帥
丑宮正刻勾元帥	寅宮正刻菊元帥
卯宮正刻均元帥	辰宮正刻垣元帥
巳宮正刻地元帥	午宮正刻堤元帥
未宮正刻燠元帥	申宮正刻渙元帥

道藏輯要

五百靈官名號

十

二斗集十二

西宮正刻派元帥

戌宮正刻湯元帥

亥宮正刻瀟元帥

夜遊賞善耿元帥

夜遊賞善王元帥

夜遊賞善許元帥

夜遊賞善馮元帥

夜遊賞善汀元帥

夜遊賞善寧元帥

夜遊賞善麻元帥

夜遊賞善鳩元帥

夜遊賞善李元帥

夜遊賞善孫元帥

夜遊罰惡刁元帥

夜遊罰惡魯元帥

夜遊罰惡岑元帥

夜遊罰惡錫元帥

夜遊罰惡赤元帥

夜遊罰惡華元帥

夜遊罰惡米元帥

道藏輯要

五百靈官名號

十一

二斗集十一

夜遊罰惡定元帥

夜遊罰惡爾元帥

巨門奏事趙元帥

貪狼奏事呂元帥

文曲奏事丁元帥

祿存奏事胡元帥

武曲奏事包元帥

廉貞奏事江元帥

飛天大刀手三界總管楊元帥

破軍奏事葛元帥

飛天金鎗手三界總管羅元帥

飛天雙鞭手三界總管鄂元帥

飛天雙鞭手三界總管程元帥

飛天金鎗手三界總管梁元帥

飛天巡山都總管岳元帥

飛天鐵棒手三界總管宮元帥

飛天神劍手三界總管公孫元帥

飛天神父手三界總管丁元帥

飛天弓箭手三界總管楊元帥

飛天火炮手三界總管石元帥

飛天馬兵手三界總管林元帥

飛天步兵手三界總管施元帥

飛天青面將三界伏魔邵元帥

飛天黃面將三界伏魔朱元帥

飛天赤面將三界伏魔馬元帥

道藏輯要

五百靈官名號

十一

二斗集十一

飛天白面將三界伏魔孫元帥

飛天黑面將三界伏魔廖元帥

飛天三目將三界伏魔陳元帥

飛天四目將三界伏魔邱元帥

飛天三臂將三界伏魔余元帥

飛天四臂將三界伏魔曾元帥

飛天雙頭將三界伏魔彪元帥

飛天三頭將三界伏魔哈元帥

飛天長鬚將三界伏魔朱元帥

飛天巡山都總管岳元帥

飛天巡海都總管龍元帥

飛天巡江都總管黃元帥	飛天巡河都總管西門元帥
飛天巡寺都總管杜元帥	飛天巡觀都總管薛元帥
飛天急脚都頭領亢元帥	飛天慢脚都頭領易元帥
飛天憑風都頭領右元帥	飛天駕霧都頭領奇元帥
飛天啖鬼都頭領斥元帥	飛天捉妖都頭領梅元帥
飛天斬怪都頭領盛元帥	飛天驅魔都頭領引元帥
飛天廣目都頭領李元帥	飛天多耳都頭領風元帥
飛天長舌都頭領狄元帥	飛天海口都頭領焦元帥
掌天下不孝案沈元帥	掌天下不忠案呼元帥
掌天下不弟案丁元帥	掌天下不仁案巴元帥
道藏輯要	五百靈官名號
掌天下不慈案黑元帥	掌天下不廉案介元帥
掌天下殺生案張元帥	掌天下害人案鄭元帥
掌天下好險案楊元帥	掌天下盜竊案梁元帥
掌天下邪謀案袁元帥	掌天下姪亂案千元帥
掌天下毀僧案鍾元帥	掌天下謗道案木元帥
掌天下婚娶案鄧元帥	掌天下交易案馬元帥
掌天下齋醮案陀元帥	掌天下施捨案左元帥
掌天下樹木案秦元帥	掌天下花草案圭元帥
掌天下禽鳥案夏元帥	掌天下獸畜案運元帥
掌天下魚鱉案京元帥	掌天下蟲蟻案鳳元帥

道藏輯要

五百靈官名號

古

二斗集十一

天王殿前無敵王元帥	顯聖殿前無敵馮元帥
炳靈殿前無敵許元帥	飛行殿前無敵蔣元帥
文昌閣下無敵韓元帥	大羅境下無敵查元帥



呂帝聖蹟紀要題詞

無極寶懺曰三界飛行絕迹十方救苦尋聲知言哉知言哉我  
帝師普度世人等觀音之愿海恆隱現而無方徧一切地則一  
切地皆聖蹟也周一切時則一切時皆聖蹟也夫豈紀之所能  
盡哉然無徵不信亦無妨就應現之蹟而一一確指之使夫智  
者愚者賢不肖者皆共鑒鑒然知

孚佑上帝猶在人間斯慕善者有興起皈依之忱卽爲惡者凜  
昭鑒感應之赫則卽數十則之遺聞舊事而紀其要雖不能見  
我

帝師之全體而亦足以彰

道藏輯要

聖蹟紀要

壹

壁集五

慈心之妙運矣後之覽者各就見聞所及而印證之庶知駕船  
大海接應十方者之眞爲三界大恩師也宏教弟子柳守元熏  
沐題詞

呂帝聖蹟紀要序

仙聖佛祖同此慈悲濟度我  
菩薩矢彌羅之愿必欲度盡眾生是以廣大靈感無不聲應此  
度化慈祖後之高眞仙聖同設心濟度代不乏人而傳顯於世  
則

文帝與

孚佑帝君及關某也顧某目皈依

菩薩叨證眞果卽矢愿永爲護法凡

菩薩光臨之地皆關某率領神將護從之時故無不應愿之

菩薩卽無不隨光之關某也茲大法覺壇爲吾

道藏輯要

聖蹟紀要

壁集五

孚佑帝君洪演大化之吉祥地某隨

法駕臨壇者屢矣且某昔從

帝君令攝崇於景雲內苑是某與

帝君同有顯蹟於人世者相傳又復累世矣是以

帝君之誓愿固與

菩薩等而

帝君行愿濟度千秋萬世靈感亦叠出不已卽汗牛充棟不能  
悉盡而其累世相傳化度事蹟昭昭人間舊傳多襲訛謬附是  
以後世多議焉而不知所傳事蹟皆有歲時朝代可考惜歷數  
傳而世遠年湮不能一一按籍稽編且仙祖之度化只求圓自

已誓愿而爲之度化者又無不各有其緣有真緣斯能發真敬信而所傳事跡皆足以徵景從所合之機他不必論卽所傳逐條何一不明明白白

帝君當面顯化而眾生值此偏不憬然覺悟無不是過後始追憶曉然此其失之覲面者無一不同出一轍若謂

帝君必先隱身試度不與人以當面接引是非

帝君本愿也總是眾生敬信未到極處是以良緣不能隨時湊合其實

帝君皇皇救濟慈心不啻現身疾呼也今覺壇鐫聖蹟紀要某適遇斯會且前緣累累是非某不足以爲此集之證明耳其前道藏輯要

聖蹟紀要

二 壁集五

後次第本可不編如四時行而百物生日月照而天地朗不必拘拘時見也漢壽亭侯關羽敬序

重刊道藏輯要

呂帝聖蹟紀要

武昌鸞梳

呂帝遊武昌天心橋隱姓名鸞敝木梳索價千錢連月不售俄有老嫗行乞年八十餘龍鍾僂僂禿髮如雪呂帝謂曰世人目前襲常見吾零價貨敝穢物豈無意而千萬人咸無超卓之見尚可與語道耶乃以梳爲嫗理髮隨梳隨長鬢黑委地形容變少眾始神之爭以求梳呂帝笑曰見之不識識之不見乃投梳橋下化爲蒼龍飛去呂帝與嫗不見

三口一室

道藏輯要

聖蹟紀要

一

壁集五

馬善東都人熙寧初舉進士不第學道一日與一侯道人名玠行汴水見一羽士青巾布袍體秀骨異目如明水面無塵濁馬召噉茶且飲食之侯性素驥叱之羽士曰汝有何法侯曰飛符召鬼點石化金歸錢返璧羽士曰子所爲皆非正法侯曰子何能曰吾能壯吾氣射酒肆去燭數十丈而燭立滅復吐氣吹侯面若驚風大發颯颯不可支二人起謝曰先生非凡人也幸見教羽士曰學仙須立功行功即勤苦修鍊行即濟人利物語及曙羽士作別曰吾將返湘水之濱與子酌於柳陰下以金令侯市酒適無酒羽士以瓶一隻命侯取汴水一瓶以藥一丸投之立成美酒三人共飲大醉羽士留詩一章曰三口共一室室畔

水偏清生來走天下卽是姓兼名既別二人測之乃知爲呂帝云

### 吹簫圖畫

京兆程梓園先生爲諸生時赴考寓一至親家夜夢一人賣畫云此畫上人能活因展看見一老人忽動徐下畫吹簫及醒時簫聲猶在耳也清晨觀堂中畫乃吳小仙寫呂帝吹簫圖遂索歸供養並誌跋

### 竅緇存神

監文思院趙應道病瘵幾委頓泣別親舊曰吾死矣夫閨閣中一物皆捨得獨鶴髮老親無托奈何語未竟俄有道人扣門道藏輯要  
聖蹟紀要  
二 壁集五  
語趙曰病不難愈也取緇二幅各指其中爲一方竅徑可二尺許以授趙曰俟夜燒一幅灰之調乳香湯塗病上留一幅以待後人言訖道人不復見始悟兩方竅乃呂字也

### 口口相傳

梓潼婁道明家富善御女術常畜少女十人晝夜迭御無休息而神清體健面若桃紅或經日不食年九十有七止如三十許人尤好夸誕大言對客會飲自以爲眞仙也一日呂帝托爲乞人登門婁不識之叱使去呂帝以兩足踏石上遠成兩方竅深可二寸婁始驚異延之座右日子非凡人也出侍女歌遊仙詞命之酒呂帝口占望江南詞酬之曰瑤池上瑞霧羣仙素練

金童鐙鳳板青衣玉女歡鸞弦身在大羅天沈醉處縹緲玉京山唱徹步虛清燕罷不知今夕是何年海水又桑田侍女進蜀牋請書呂帝自緇尾倒書徹緇首字足不遺空隙婁大驚喜方欲請問道要答曰吾已口口相傳矣婁請益復曰吾已口口相傳矣俄登門外大柏樹杪不見後數日婁忽不快吐膏液如銀者數斗而卒

### 席奏仙音

宋陳執中建甲第東都親朋合樂俄有縹緲道士至陳問曰子何技能曰我有仙樂一部欲奏以侑華筵腰間出一軸畫挂於柱上繪仙女十二人各執樂器道士呼使下皆累累列於前兩道藏輯要  
聖蹟紀要  
三 壁集五

女執幢幡以導餘女奏樂皆玉肌花貌頂七寶冠衣六銖衣金珂玉珮轉動珊珊鼻上各有一粒黃玉如黍大而體甚輕虛終不類生人樂音清徹煙霄曲調特異三闋竟陳曰此何物女子道士曰此六甲六丁玉女人學道成則身中三魂七魄五臟六腑諸神皆化而爲此公亦願學否陳以爲幻惑頗不快道士顧諸女曰可去矣遂皆復上畫軸道士取軸卷而吞之索緇筆大書曰曾經天上三千劫又在人間五百年腰下劍鋒橫紫電爐中丹焰起蒼煙纔騎白鹿一作鶴過滄海復跨青牛入洞天小技等閒聊戲爾無人知我是眞仙末題曰谷客書卽出門不見

### 寶輪現相



紹興中新昌令關肇喜道術建大齋寶籙宮方士大集角技能呂帝隱姓氏寓焉自贊其能異眾取藥少許實諸掌吹數過俄紅暈四溢成寶輪相現洞賓二字眾大愕覓之已不見肇後每日行陰德杜門謝客蓋因帝君言方士幻術悞人也後帝君復來授以正道

枯魚復活

靖康時楚州孫賣魚者盛暑呂帝過於市曰汝魚餒矣飲我可使活遂飲以斗酒與言竟日而去視魚果活孫自是通曉古往事決人禍福輒應後入鉢池山不出

榴皮畫壁

道藏輯要

聖蹟紀要

四

壁集五

熙寧元年八月十九日湖州歸安縣沈思字引隱於東林因名東老能釀十仙白酒一日有客自稱回道人長揖東老曰知君白酒新熟願求一醉公命之坐徐觀其目碧色燦然光彩射人與之語無不通究知非塵埃中人也因出與飲自日中至暮已飲數斗殊無酒色回曰久不遊浙中今爲子有陰德留詩贈子乃壁席上榴皮畫字題於葺壁云西隣已富憂不足東老雖貧樂有餘白酒釀成因好客黃金散盡爲收書

按蘇東坡詩集有和詩三首世俗何知窮是病神仙可學道之餘但知白酒留佳客不問黃金覓素書符離道士晨興際華嶽先生戶解餘忽見黃庭丹篆句猶傳青緇小朱書淒涼

雨露三年後髮髯塵埃數字餘至用榴皮緣底事中書君豈不中書

黃鵠賣桃

武昌省會西城外黃鵠磯石上有桃痕相傳呂帝假賣桃以驗眾售者第云歸遺穉子無有言及父母者帝君感忿擲桃於石而去其痕至今存焉

鵠磯示現

武昌涵三宮會首顧行恕吳一恕等三人叩求呂帝現像許以翌日赴黃鶴樓下相候三子次早赴樓前靜候良久遊人雜沓無從物色傍午有一人於太白亭前背手徐行三子亦忽之俄

道藏輯要

聖蹟紀要

五

壁集五

見一老翁鬚髮皓然意必有異就與語仍無奇至薄暮悵惘而歸以爲誑我後示一絕云三生石畔殷殷望太白亭前欸欸行春色不知何處去空餘皓首說幽情始悟亭前獨步者即呂帝也

館案留書

顧行恕又一日自涵三宮赴館途遇一道人與之語顧赴館心急不暇接言辭去及至館諸徒詫異曰先生今日何以衣裾皆香顧亦不覺視案上古文前書莫見戲回道人過此數字筆勢飛舞墨跡尙新方悟呂帝降神所書眾未之見而途中所遇之道人益化相也翌日述諸會友無不歎美會中傳敬恕實而藏



之

巴陵繪像

滕宗諒字子京謫守巴陵呂帝托爲回道士見之風骨聳秀談論俊辨子京異之口占詩贈之曰華州回道人來到岳陽城別我遊何處秋空一劍橫呂帝大笑俄不見子京倩人繪像供岳陽樓

重光古鏡

尙書郎賈師雄爽爲太守時有家藏古鏡甚寶嘗欲淬磨呂帝稱回處士造焉一云有道人自稱善磨鏡乞試其技箇中取藥少許置鏡上辭去曰俟更取藥來追之已不見但見所寓太平寺扉上題詩

道藏輯要

聖蹟紀要

六

壁集五

日手內青蛇凌白日洞中仙葉艷長春須知物外煙霞客不是街頭磨鏡人夷見而異之知爲呂帝視鏡上藥已飛去一點光明如玉後復儒冠登武岡譙樓歎曰佳哉山水五百年無兵火可避亂也

長沙警釋

呂帝遊長沙托爲回道人持小瓦罐乞錢得錢無算而罐常不滿人皆神之一日坐市道上言有能以錢滿吾罐者當授以道人爭以錢授罐竟不滿有僧驅一車錢戲曰汝罐能容否道人唯唯及推車入罐憂憂有聲俄不見僧曰神仙耶幻術耶道人占詩曰非神亦非仙非術亦非幻天地有終窮桑田幾遷變

身國非我有財亦何足戀曷不從吾遊騎鯨騰汗漫僧益驚疑道人曰若惜此錢耶吾今償你取片緋投鐘祝曰速推車出良久不出曰非我自取不可因跳入鐘寂然僧擊鐘碎有片緋題一詩曰尋真要識真見真渾未晤一笑再相逢驅車東平路僧悵然歸次東平忽見道人曰吾俟汝久矣以車還之錢皆在曰吾呂公也始謂汝可教今惜錢如此不可也僧方悔謝不及東平路一作東平路一作東平路一作東平路

回心向道

安豐縣照曹三香染惡疾爲邸以舍往來客呂帝托爲寒士寄宿僕以其褻褻拒之三香曰吾既立此門戶垢淨何擇焉遂延

道藏輯要

聖蹟紀要

七

壁集五

入殊禮遇之居無何曹疾作呻吟良苦呂帝曰回心回心時門外有一皂角樹久槁死帝君乃投以藥卽別翌日樹再生枝葉甚茂曹始悟其爲神仙而回心者呂也卽毀冠服去粉黛棄家遠遊人爲建呂先生祠奉祀焉紹興末曹忽還鄉顏狀秀異人無識者乃自言本末復去不知所終

無心昌老

橫浦大庾嶺有富家子慕道建菴接雲水土多年一日眾建黃籙大齋方罷忽有一襪褻道人至求齋眾不知恤或加凌辱道人題詞於壁曰暫遊大庾白鶴飛來誰共語嶺畔人家曾見寒梅幾度花春來春去人在落花流水處花滿前蹊藏盡神仙人

不知詞名減蘭即末書無心昌老來五字作三樣筆勢題畢竟入雲堂良久不出迹之已不見徐視其字深透壁後始知昌字無心乃呂也眾共歎惋

昌老虛中

徽廟時有一道人自稱昌虛中往來諸琳宮動履異常飲酒無量咬生魚肉至數十斤飲冷水數十斛天大雨雪平地七八尺餘自埋於雪中旬日不出雪霽復起行於深潭水面如履平地又善草書作枯藤遊絲勢一舉筆數千絡繹不斷人爭攜楷以請往往不與昌字虛中呂字也一內侍言於徽宗命召之不得但於其遊息處得詩曰遙指高峯笑一聲紅霞紫霧面前生每於塵市無人識長到山中有鶴迎時弄玉蟾驅鬼魅夜煎金鼎煮瓊英他時若赴蓬萊洞知我仙家有姓名

無上宮主

全州道士蔣暉志行高卓呂帝訪之適蔣他出帝君題詩於壁曰醉舞高歌海上山天瓢承露結金丹夜深鶴透秋光碧萬里西風一劍寒末書無上宮主訪蔣暉作蔣歸驚曰宮字無上呂字也追之不可得

賓師顯法

青城山丈人觀黃若谷風骨清峻戒行嚴潔常以天心符水三光正炁治疾良驗得錢帛即以散施貧乏呂帝自稱賓法師來

詣留月餘所作符篆往往吹起皆為龍蛇雲霧飛去治鬼召將必現其形通人言語足踏成雷目瞬成電呵氣成雲噴唾成雨又善畫不用筆但含墨水噴絳帛上自然成山川花木宮室禽獸人物之狀略加拂拭而已每畫得錢即市酒與若谷痛飲若谷飲素無量每為賓所困一日若谷問曰先生操行異常人必自神仙中來還可語吾道否曰更一生可也復問壽幾何呂帝倒書九十四字於壁作兩圓相圍之即別去始悟作圓相為呂而賓姓其字也後若谷四十九歲卒果符倒書之識

同客人

熙寧中江南有李先生者自號同客人持莎笠綸竿短板唱漁道藏輯要

聖蹟紀要

九

壁集五

家傲又為鳴柳之聲以參之音清悲激如在青霄其詞曰二月江南山水路李花零落春無主一箇魚兒無覓處風和雨玉龍生甲歸天去詞名豆葉黃人或與錢不受與酒即不辭後以甲辰二月終瘞之無尸始悟同客者即呂洞賓寓意也

谷客書詞

崔中舉進士道過巴陵於寓邸歌沁園春樂章呂帝適以補鞍隱市井間質其所歌曰何曲也崔曰東都新聲也曰吾不解書子為書吾詞崔為書其詞曰七返還丹在人先須鍊已待時正一陽初動中宵漏永溫溫鉛鼎光透簾幃造化爭馳虎龍交媾進火功夫牛斗危牛斗危玉蟾訣亦云妙在危巖斗牛女正為一陽初動之位曲江上看月

華瑩淨有箇鳥飛當時自飲刀圭又誰信無中養就兒辨水源

清濁金木一作金問隔不因師指此事難知道要玄微天機深遠

下手速修猶太遲蓬萊路仗三千行滿獨步雲歸崔問姓氏曰

吾生江口長山口今爲守谷客翌旦訪太守言之曰此呂洞賓

也亟令召之叩其戶應聲漸遠再呼不應排戶而入闕無人矣

壁有詩曰腹內嬰兒養已成且居廬市暫娛情無端措大剛饒

舌卻入白雲深處行一云崔中舉進士遊岳陽遇真人錄沁園春詞詰其姓名肅之李守排戶而入惟見壁云崔與太守歎恨而已

### 南津黃襖

長沙鍾將之字仲山嘉定己巳自金陵罷官歸舟次巴陵南津

道藏輯要

聖蹟紀要

十

壁集五

賸時俄覩一舟過中有黃襖翁風貌奇峻凝然伫立熟視仲山

良久仲山窺其篷中無他物惟船頭有黑瓶罐十枚篷前兩青

衣童參差立仲山意其必徑渡既而僅行二丈許即回棹而翁

已端坐篷後再熟視仲山良久俄失船所在仲山始謂巨商不

與之語至是恍然驚訝知其爲異人也翌日往呂帝祠拜禮真

像儼然有兩青童侍側其貌皆與昨所見者肖仲山自恨凡目

不識感歎無已周星作水調歌頭詞有更似南津港再遇呂公

船之句次年卒仲山之孫嘗出其祖所繪黃襖翁真示余誠爲

清峻絕俗云世人俗眼觀面錯過者多武昌飛劍道亭住持陳道人一日道過鳳凰山將下山遇一道人負劍上

山與陳觀面相遇陳初不覺繼忽思曰近世道人安有負劍者得非呂帝乎因回顧已不復見

### 鄱陽相丁

丁晉公謂倅鄱陽呂帝作一秀才往見曰吾唐呂渭之孫也經

史百家無不通究因與晉公言君狀貌大似李德裕他日出處

皆如之後晉公果大拜而竄海外信似贊皇矣

### 袖詩警石

石介字守道爲國子監直講一方士稱回叟來誦袖出詩曰高

心休擬鳳池遊朱紱銀章寵已優莫待禍來名欲滅林泉養浩

預爲謀石遜謝不悟其旨延以酒食日將夕叟辭石留之宿曰

吾孤雲野鶴安可留也其後期年因賊孔直溫謀逆石嘗有書

與之坐貶卒

道藏輯要

十

壁集五

### 蓬萊倦客

太常博士王綸守岳州有回道人來詣貌清癯短褐不揜髻語

音清圓綸問世系回曰不必問所請教者奕暮耳與奕綸素號

國手至是連負日云暮乃酌以酒問何万人回書詩曰仙籍班

班有姓名蓬萊倦客呂先生凡人肉眼知多少不及城南老樹

精綸驚訝間已失之矣庭下煙雲滃然移時不散又神仙鑑載

呂帝謂綸前世係荊州僧名些善歌河滿子能前知後示寂坐

化因不得金丹難免輪迴綸遂告疾還家精思仙道遇柳仙授

### 避暑遺丹



石舍人王休因避暑有襍襍樵夫持斧而前眉目秀整議論清  
快石間鄉里及世系曰老夫生於河南移居於終南山呂渭之  
裔也所學者莊子老子此外無所爲名曰終南有何佳處曰佳  
處甚多因舉陶隱居詩曰終南何所有所有惟白雲祇可自怡  
悅不堪持贈君石異之款留三月極談出有人無超生離死之  
法將別曰吾將往岳陽以丹一粒遺石服之年九十餘面如嬰  
兒

巴陵犯節

呂帝行巴陵市知太守清醅欲化之候其出故犯其節前驅執  
之太守置諸獄令書款日將捕無一辭吏趣之帝君曰須我酒  
道藏輯要

聖蹟紀要

主

壁集五

醒吏曰汝不憂罪尙以酒爲解耶言未竟忽失去但遺詩曰暫  
別蓬萊海上遊偶逢太守問根由身居北斗星杓下劍挂南宮  
月角頭道我醉來真箇醉不知愁是怎生愁相逢何事不相識  
卻駕白雲歸去休太守驚曰此呂翁也夙興焚香謝過一日於  
水盆中見焉亟召畫吏圖之與滕子京本絕類也

再詣子京

滕子京守巴陵呂帝稱呂處士再詣子京與論名勝引道經云  
兩火一刀可以逃的係何所帝君曰言刺中諸山可以避災故  
漢晉以來多隱逸之士括蒼天姥是其處子京曰按會稽籍天  
姥在剡之東鄣接天台華頂峯旣入括州何云吳地曰禹導吳

江會諸侯於祁山秦置會稽郡屬吳其郡治多靈異老子枕中  
記言吳之華山可度難山半有天池產千葉蓮服之羽化信宿  
別去

詣陳處士

隱士陳烈年高有道神宗遣使召之辭不赴呂帝常與往來論  
道適召使至祖贈以詩曰青霄一路少人行休話興亡事不成  
金榜因何無姓字玉都必定有仙名雲歸大海龍千尺雪滿長  
空鶴一聲深謝宋朝明聖主解書丹詔召先生後烈卒帝君復  
弔之曰天網恢恢萬象疎一身親到華山區寒雲去後留殘月  
春雪來時問太虛六洞真人歸紫府千年鸞鶴老蒼梧自從遭  
道藏輯要

聖蹟紀要

主

壁集五

卻先生後南北東西少丈夫

視土奇香

張商英字天覺爲相有僂僂道人及門求施商英不之禮戲問  
有何術曰能視土爲香卽於階側取泥視而焚之奇香酷烈煙  
罷道人不見案上留詩一章視土爲香事有因世間宜假不宜  
眞皇朝宰相張天覺天下雲遊呂洞賓商英自恨不識從此格  
去非心凡神仙鍊金丹必資土釜故仙師恆以土爲香以墨爲  
透九霄復何疑哉  
惜天覺之不悟也

王公槐券

宋參知政事王巨父祐虔奉呂帝像一日帝君來謂曰君家世



積德子孫致位三公當樹槐爲券祐乃植三槐於庭後旦果太拜

### 遊太平觀

江州太平觀道士薛孔昭有高志呂帝訪之云稱顏贈詩曰道士過訪

落魄薛高士年高無白髮雲中閒臥石山裏冷尋碑誇我飲大

酒嫌人說小詩不知甚麼漢一任輩流嗤末書云回道道人同三

客訪薛鍊師作

### 遊天慶觀

宿州符離縣天慶觀有道士霁璋少年談老莊有奇趣一日晨

興有賣藥道人至即呂帝也云自稱抱樸子儀狀雄偉往來彌月因

道藏輯要

聖蹟紀要

古

壁集五

以老莊要旨授甯曰吾觀禪學皆出於老莊縱千經萬卷反覆

議論要自立門戶源流授受其實皆本於老莊之旨甯伏地求

度日容再晤臨別贈詩曰松枯石老水縈迴個裏難教俗客來

擡眼試看山外景紛紛風急障黃埃後復至適甯他往題二絕

於扉上曰秋景蕭條葉亂飛庭松影裏坐移時雲遊鶴駕何方

去仙洞朝元失我期二日肘傳丹篆千年術口誦黃庭兩卷經

鶴觀古壇松影裏悄無人跡戶長扃字入木寸餘墨蹟不滅

### 又天慶觀

一作秦州北山觀

呂帝遊秦州天慶觀時道流悉赴鄰院醺席獨一小童在祖因

索筆欲書壁章辭以觀堂新修師戒勿汚壁祖曰但煩貯火殿

爐欲禮三清既往見殿後池水清泚以爪畫壁書曰石池清水是吾心剛被桃花影倒沉一到邽山宮闕內銷閒澄慮七絃琴末題云回後養書壁絕高非手所能及眾歎異始悟爲呂帝云

### 羅浮畫山

呂帝遊羅浮朱明觀至小菴中值道士他出獨一小童在童揖

曰先生坐此遂竊道士酒以獻呂帝滿引使小童盡其餘童不

屑童素患左目內障呂帝以所餘酒喂其目忽然開明若素無

患者乃取筆畫一山於壁山下作池三口謂童曰汝飲吾酒則

得仙矣不飲命也然亦當享高壽言訖飛入石壁隱去及道士

歸見所畫山微壁內外大驚曰山下三口乃崑字非呂先生乎

道藏輯要

聖蹟紀要

圭

壁集五

後童果百有五歲而終雖未得仙亦可謂有緣者矣

### 廬山淬劍

呂帝遊江州廬山真寂觀臨砌淬劍道士侯用晦問之曰先生

劍何所用曰地上一切不平事以此去之侯心異之以酒果召

飲謂曰先生道貌清高必非風塵中人帝君曰且劇飲無相窮

詰既醉以筯頭書劍詩四首於壁曰欲整鋒鋦敢憚勞凌晨開

匣玉龍嗥手中氣概水三尺石上精神蛇一條姦血默隨流水

盡凶頑今逐漬痕消削平浮世不平事與爾相將上九霄虎將

龍軍氣宇雄佩符持甲去匆匆鋪排劍戟奔如電羅列旌旗疾

似風活捉三尸焚鬼窟生擒六賊破魔宮河清海晏乾坤淨世

世安居道德中洪爐迸灑鍊金英一點靈珠透室明擺動乾坤知道力逃移生死見功程逍遙四海留踪跡歸去三清立姓名直上青雲雲路穩紫鸞朱鳳自來迎時人若要學長生先是樞機晝夜行恍惚中間專志氣虛無裏面固元精龍交虎變三周畢兔走烏飛九轉成鍊出一爐神聖藥青雲歸去路分明題畢初見若無字既而墨蹟燦然透出壁後侯大驚再拜因問劍法曰有道劍有法劍道劍則出入無形法劍則以術治之者此俗眼所共見第能除妖去祟耳侯曰今以道劍戮奸人於稠衆中得不駭俗乎曰人以神爲母氣爲子神存則氣聚神去則氣散但戮其神則人將自沒或有假手於人皆此類也侯歎曰此真道藏輯要

聖蹟紀要

大

壁集五

仙之言也願聞姓氏曰吾呂巖也言訖因擲劍於空中化爲青龍跨之而去

遊金鵝寺

呂帝抵四明金鵝寺顧方丈蕭然頃有童子出呂問此何寥寥曰莫道寥寥虛空也不著遂佳其言題詩於壁云方丈有門出不鑰見箇山童露雙腳問伊方丈何寥寥道是虛空也不著聞此語何欣欣主翁豈是尋常人我來謁見不得見渴全唐作調心耿耿生埃塵歸去也波浩渺路入蓬萊山杳杳相思一上石樓時雪晴海潤千峯曉

遊廬山寺

廬山開元寺僧法珍坐禪二十年頗有戒行一日定坐有一道人往謁問曰師謂坐禪可了道乎此與南岳問馬祖意同珍曰然道人曰

佛戒貪瞋淫殺爲甚方其坐時自謂無此心矣及其遇景遇物不能自克則此種心紛飛莫禦豈專在坐乎因與珍愿雲堂

見一僧方酣睡謂珍曰吾偕子少坐於此試觀此僧據見悟真篇未載此

事曰見一僧方入定坐珍曰此僧平素善人定呂曰我等且坐此試看坐未幾見僧頂門出一小

蛇長三寸餘緣床左足至地遇涕唾食之復循溺器飲出軒外

度小溝繞花臺若駐翫狀復欲度一小溝以水溢而返道人當

其來徑以小刀插地蛇見之畏縮尋別徑至牀右足循僧頂而

入睡僧遽驚覺問訊曰吾適一夢與一子言之初夢從左門出

道藏輯要

聖蹟紀要

七

壁集五

逢齋供甚精食之又逢美酒飲之因褰裳渡門外小江逢美女

數十恣觀之復欲渡一小江水驟漲不能往逢一賊欲見殺走

從捷徑至右門而入遂覺道人與珍大笑出謂珍曰以床足爲

門以涕唾爲供以溺爲醞以溝爲江以花木爲美女以刀爲賊

人之夢寐幻妄如此珍曰爲蛇者何道人曰此僧性毒多瞋熏

染變化已成蛇相此意惡也意惡隱而不現謂之陰惡故多變蛇蝎之類陽惡屬身業易見多變虎豹之類

他日瞑目卽受生於蛇中矣可不懼哉吾呂公也見子精忱可

以學道故來教子珍遂隨之而往不知所終此段事極好提醒

授以丹訣令潛修於青牛谷昔洪志乘青牛冲舉于此道成當來引汝

遺墨成金

袁州開元寺浴室有大井泉水甘冽呂帝愛之留連旬日因與寺僧歛密僧朴野待之盡敬不知其爲呂帝也臨行以墨二笏贈僧藏之篋笥不復省一日李大臨轉漕江西行部至袁尋僧問曰呂先生嘗贈汝金乎僧恍然曰我不識呂先生但前有道人到此贈我墨耳初無金也出墨示大臨則墨即金矣大臨摩挲駭異欲以他金易之僧弗受但以一笏轉贈之且問運使何自知此李曰昨過零陵縣見何仙姑問呂公動履何曰近呂過此自言久客宜春與開元浴室僧相善喜其有仙風道骨以金遺之吾聞此語故來驗焉旬日呂帝復來問僧墨何在僧具以告呂笑曰此女饒舌遂與僧攜手出門去不知所之一云帝君道藏輯要

聖蹟紀要

大

壁集五

復至僧喜迎拜帝君問墨何在僧具告曰大臨王拱宸皆吾故友也遂授僧禪定之理後亦度世

### 大雲會食

呂帝托爲同處士遊大雲寺隨堂會食月餘謂寺僧曰僧饌甚精但少麪耳遂去旬日攜少許麪至自炮設數百僧皆飽足僧請處士啜茗舉丁晉公詩曰花隨僧筍破雲逐客甌處士曰句雖佳未盡茶之理乃書詩曰玉藥一鎗稱絕品僧家造法極工夫兔毛甌淺香雲白蝦眼湯翻細浪俱斷送睡魔離几席增添清氣入肌膚幽叢自落溪岩外不肯移根入上都以丹一粒遣僧日服此可不死後僧亦仙去

### 智度贈偈

呂帝南遊韶柳下湘潭至江濱聞智度寺慧覺禪學性源清潔與促席對坐謂曰收光內照一衲之外無餘衣一鉢之外無餘食遠生死岸破煩惱殼方今佛衣寂寂無傳禪理懸懸幾絕扶而興者其在吾師乎作偈贈之曰達者推心方濟物聖賢傳法不離真請師開說西來意七祖於今未有人自昔佛祖俱只傳法惟達磨神光一係西域一屬東土特加傳衣以表信偈曰一花開五葉結果自然成故衣止六祖不傳六祖之後若青原南嶽永嘉諸尊師皆傳佛正印紹佛慧燈五宗而下代有傳人此云七祖於今未有人蓋推尊覺公之意觀者勿真謂六祖以下無人也

### 禪寺植樟

呂帝過華亭北禪寺手植樟樹於殿後數年樟死復來取瓢內藥一粒瘞諸根下樟復活葉葉俱瓢痕人始感悟因號呂公樟

### 道藏輯要

聖蹟紀要

五

壁集五

### 契悟黃龍

呂帝經鄂州之黃龍山觀紫雲成蓋知有異人乃入值誨機禪師升座意必呂公也欲誘而進厲聲曰座旁有竊法者呂帝毅然出問曰一粒粟中藏世界半升鐺裏煮山川且道此意如何龍曰饒經八萬劫終是落空亡帝君薄訝飛劍脅之不能入遂再拜龍曰座下何人答曰雲水道人龍曰雲盡水乾時如何帝君未及對龍曰黃龍出現帝君恍然悟求指歸龍詰曰半升鐺內煮山川卽不問如何是一粒粟中藏世界帝君於言下大徹呈偈曰棄卻瓢囊擲碎琴如今不戀水中金自從一見黃龍後



道書集成

消盡平心種種心龍囑令加誡

邵城酒肆

邵州城外有老嫗開酒肆一日有呂道人來索飲偶無酒嫗以所餘濁酒一升與之道人問價嫗曰每升錢二十道人以指點酒書二十字於門外一紫石上而去徐視則字迹下透石底幾尺餘自是觀者如堵酒肆大售後人因其居建集仙觀

海上紅雲

永康軍倪庚新開酒樓有一道人至索飲自旦及暮飲佳醞已及石餘眾怪相聚以觀倪需酒金道人瞪目不語頽然醉倒倪坐守之曙鼓動道人忽起援筆題詩於壁曰鯨吸鼈吞數百杯道藏輯要  
聖蹟紀要  
玉  
壁集五  
玉山誰起復誰頽醒時兩袂天風冷一朵紅雲海上來末書云三山道士陽純作以土一塊擲倪面走出門仰望東北一朵紅雲飛來撫掌大笑俄不見刮視其壁墨微數分視土塊乃良金也自是酒樓大售始知陽純者乃純陽也

汴京茶肆

宋世宗時汴京有石氏開茶肆令一幼女行茶呂帝托爲乞者日往據上坐索飲衣服襤褸垢汚殆不可近女殊無厭惡意益取上茗待之父母怒逐丐答女女益待之月餘無厭一日復來謂女曰汝肯啜我餘茶否女頗嫌不潔覆之地忽聞異香亟舐之神氣爽然而丐者曰我呂仙非真丐者惜爾不能盡飲吾餘然

吾能從爾願欲富貴壽考皆可得也女曰我小家女不識何爲貴得富壽足矣後女嫁管營指揮年百三十五歲終

廣陵妓館

廣陵妓黃鶯有姿色豪客填門一日呂帝托爲秀才假宿黃以其襤褸垢污拒之帝君乃題二詩於屏一曰嫖母西施共此身可憐老少隔千春他年鶴髮雞皮嫗今日玉顏花貌人二曰花開花落兩悲歡花與人還事一般開在枝頭防客折落來地下倩誰看題畢俄不見

玉樓喚醒

有妓楊柳東都絕色也呂帝化一道人往來其家屢輸金帛然道藏輯要  
聖蹟紀要  
玉  
壁集五  
終不與楊交接楊一夕乘醉飽之道人曰吾先天坎離配合身中夫婦聖胎已結嬰兒將生豈復戀外色乎內交之樂過於外交之樂遠矣楊疑訝其語時宰相張天覺館賓蕭姓者與楊狎楊以道人言告蕭而蕭遁於張遽往卽之道人大呼疾走徑趨棲雲菴雲堂不出良久徘徊尋之不見惟壁上有詩曰一吸鸞笙裂太清綠衣童子步虛聲玉樓喚醒千年夢碧桃枝上金雞鳴詢其貌則張前所見者也後菴遭兵火而詩壁歸然獨存亦一異也

全唐詩以爲題  
東都妓館壁

吳興妓館

吳興妓張珍奴色華美性淡素每夕沐浴更衣炷香告天求脫



去甚切呂帝化一士人訪之珍見風神秀異禮敬殊甚往來月餘珍曰荷君眷顧已久獨不留宿何也士曰固自有意因問汝每夜領天寶何所求珍曰失身於此又將何爲但自念入是門中妄施粉黛以假爲真謳歌豔曲以悲爲樂每歎世之愚夫觀我如花情牽意惹非但喪財多致殞命妾罪愈重惟所夕告天早期了脫士曰汝志如此何不修道珍曰無從得師士曰吾爲汝師可乎珍卽拜叩士曰再來可也遂去珍望不至作詞曰逢師許多時不說些兒個安得仍前相對坐懷恨韶光空自過直到如今問損我士至見詞續韻曰道無巧妙與你方兒一個子後午前定息坐夾春闕崑崙過恁時得氣力思量我復與太陰道藏輯要

聖蹟紀要

三

壁集五

鍊形丹法臨別作步蟾宮一詞與之曰坎離乾兌分子午須認取自家宗祖地雷震動山頭雨待洗濯黃芽出土捉得金精牢固閉鍊甲庚要生龍虎待他問汝甚人傳但說道先生姓呂後黃覺能爲湖州守詢諸妓能爲道情詞曲者珍以前詞奏之黃訝曰呂仙師曾過汝乎珍具述所以遂得脫籍珍自是倖狂丐於市投僻地密修愈二年尸解去

徽宗齋會

宋宣和間徽宗設齋一千道人只闕一名適有一風癩道人求齋監門官力拒之其時徽宗與道士林靈素便殿談話而道人忽在其階下亟遣人令去赴齋道人以布袍袖在殿柱上一抹

而往徽宗見而怪之起身觀柱上有粉字書云高談闊論若無人可惜明君不遇眞陛下問臣來日事請看午未丙丁春後靖康丙午丁未二帝北狩之難蓋已預識於此宋徽好道而不知佛而不知達磨也惜哉一云帝敬問曰君非呂仙乎曰臣姓李不姓呂忽不見帝問靈素林曰聞有李惲其狀如此詔立像於呂帝之側

青城鶴會

紹興末呂帝赴青城山鶴會惹一賣餅果人家入不之識也頗異之呂帝濃墨大書詩一章於門之木上曰但患去針心眞銅水換金鬢邊無白髮駮馬去難尋蓋遇呂洞賓來四字筆勢偉勁光彩殊常取刀削之深透木背呂帝已不復見時士人關道藏輯要

聖蹟紀要

三

壁集五

雲祚者見之卽繪其像乃一清癯道人也是後餅果大售

潭州鶴會

潭州兵馬都監趙不閑淳熙九年四月十四日作鶴會一道人不知所從來攝衣升爬不與人揖徑入房內覓之不見但於几上得一幅緇書絕句云這回相見不無緣滿院風光小洞天一劍當空又飛去洞庭驚起老龍眠末題谷客書不閉錄呈朱晦菴許之朱子曰此呂洞賓也

掛笠題詩

會稽山紹興癸丑道會有道人攜涼笠而至會散乃挂笠於壁無挂笠之物而不墜題詩云偶乘青帝出蓬萊劍戟崢嶸遍九

按我在目前人不識爲留一笠莫沈埋後始知其爲呂帝也

白雲挂搭

吉州舊有白雲堂在龍慶寺邊嘗有道人在堂挂搭喉下復有一口以吹鐵笛吹訖復塞以紙笠上題兩句詩一聲吹動斜陽外喚起江湖萬里心小孩羣尾其後輒將銅錢撒地使競取之後題一詩於白雲堂後云牽牛與織女依舊白蓮堂遂去皆莫曉其意後郴州寇李元礪反白雲堂閉門不容挂搭以防奸細三年後復開開之日乃七夕後一日也始悟其詩及悟二口呂字也

江州挂搭

道藏輯要

聖蹟紀要

西

壁集五  
川〇八

江州瑞昌縣潘安撫道場嘗有道人至求挂搭無包無傘僅有一笠襤褸村俗直堂鄙之曰你無傘無包奈何挂搭道人云旣不許挂搭覓一茶卽去直堂令之坐及出則道人反坐主席直堂怒曰不知賓主禮做甚道人道人不揖而去遺下一笠直堂不能舉遂會眾諷經謝罪遂舉其笠地上有呂字人病取土煎湯服之立愈數年間遂成一井水泡上結成呂字劃開復聚至今尙存

絳紗裏藥

東京一歲民大病瘧有老姥家醫茶子孫皆病一日有道人來姥善待之以子孫病爲請道人曰翌日待我姥早赴待之道人

絳紗裏藥曰病發者使執之自愈一丸可愈百人過百人卽不驗矣姥從之子孫皆愈徧療及百人滿果不驗矣姥折囊已不見藥但有書呂洞賓三字而已方知遇呂帝也

桐廬賜藥

桐廬有通守忘其姓名以母病發背百方不瘥祈禱備至感呂帝夜夢之曰公至孝感天命余救拔若遲一日不復可療乃授以靈寶膏方括蘂五枚取子乳香五塊如棗大二味各細研以白砂蜜一觔同熬成膏每服三錢溫酒化下通守市藥治服卽愈後以施人立效

趙州醫跛

道藏輯要

聖蹟紀要

三

壁集五  
X〇四一

趙州貧民劉某病跛二十年每夕炷香禱天一日有道人手攜鐵瓢謂劉曰可隨我行劉隨之行二里許指地下曰此下深三尺餘有五色石試掘之果得一石大如彈丸五彩殊常道人曰子可持歸暴露九日細末以木瓜皮煎湯服候愈可來城東駐雲堂東廂第三間左壁上再相舍及劉疾脫然愈卽往尋之但見壁上有呂帝相攜瓢云又鄂城潰陽有一貧婦素患癱病每日膝行至橋上乞錢一日遇一道人過見而問之婦曰夫故遺姑年八十餘來此丐些錢米以養姑耳道人聞已遂將所執棕拂子謂婦人曰汝試牽此起身來婦果牽之而起又曰汝試再隨我行婦人卽隨之行不數武婦疾大愈如平人婦曰先生何

處住我好來叩謝道人曰我在某氏樓上婦歸姑見駭問具告以故次日姑媳尋至其家樓上蓋所奉孚佑帝君相也因留彼處看侍香火以終身焉此亦婦之孝念有以感之不僅愈其疾且有以資其生其慈悲為何如耶

### 江陵醫眼

江陵傳道人名升事呂帝像甚謹乾道中正旦有一客方巾衣袍入共語良久招之同飲傳從之自是旬日一來時傳目昏多淚客教服生熟地黃切焙取川椒去核目及閉口者微炒三物等分煉蜜丸空心鹽米飲下五十九傳服之久能視細物追思容貌宛類所事呂帝像自是奉事益虔

### 道藏輯要

聖蹟紀要

美

壁集五

### 岳陽貨藥

呂帝遊岳陽託名貨藥一粒千金三日不售乃登岳陽樓自餌其藥忽騰空而立眾方駭慕欲買其藥呂帝笑曰道在目前蓬萊跬步撫機不發當面蹉過乃吟詩曰朝遊北越暮蒼梧袖裏青蛇膽氣竄三入岳陽人不識朗吟飛過洞庭湖

### 成都持丹

成都藥市日有道人垢面鵲衣手持丹一粒大呼於市曰我呂洞賓也有能再拜我者以丹餌之眾以為狂相聚笑隨之道人往還數四竟無拜之者道人往坐五顯廟前火池上兒童爭以瓦礫擲之道人笑曰世人欲見吾甚切既見吾又不識吾亦命

也呂乃自餌金丹俄五色雲周身有頃不見眾共悔恨晚矣又有當商極慕呂帝君朝夕拜禱頗虔潔一日呂帝化一貧道人將敝袍一件欲質錢商視袍袖內有釵一枝意道人必不知也遂將衣質錢去及取釵出內有紙一幅書云今日憶明日憶憶得我來不相識釵子留得作香錢從今與你不交易此正呂帝所謂世人欲見吾甚切既見吾又不識吾也商後見所書悔恨不已

### 覺能得丹

黃覺能有詩名一日送客東都門外旅次見一羽士攜有酒殺呼羽士共享之畢羽士舉杯撼水書呂字且曰明年江南見君

### 道藏輯要

聖蹟紀要

毛

壁集五

明年果調官江南復見呂帝與以大錢七其次十又其次小錢三日數不可益也吾以藥數寸遺子歲旦以酒磨服可一歲無病覺如其言至七十三歲藥亦垂竭卒於東京

正符錢數

### 德成得丹

李積字德成能醫盛寒時遇一貧窘道士衣單衣無寒色與李入酒肆自據主席李怪之店者曰交錢取酒道士指店中取三酒瓶曰中各有一升酒錢店者視之果然乃以三升酒與之道士酌酒飲李止取一瓶二瓶自竭與李曰此小術耳吾呂洞賓也李驚喜道士書一絕曰九重天子寰中貴五等諸侯門外尊爭似布衣狂醉客不教性命屬乾坤以藥一粒遺李曰服此當



享高壽卽別去李服藥髮不白齒不落百七歲而卒

金陵治痿

金陵萬與石嘗病痿疾左半手足不能動履者數載百法治之不愈偶出城南有道人自普德山來云爾何若此乎因以其疾告之人謂以爲偏枯道人領之以手按其患處忽覺痛酸曰是豈得爲偏枯行當自愈矣問其姓號曰我乾姓號思屯寄寓於清源觀遂與言乾坤屯音蒙之旨爲天地君親師之位皆世人所不經道萬歸其疾頓釋步履如初迺以其事白諸友人皆曰乾者陽也思爲系屯爲屯得非純陽乎萬因復出訪之竟不得其所在惟呂帝之像居焉此隆慶庚午十一月事也

道藏輯要

聖蹟紀要

天

壁集五  
卷之六

夢仙除瘤

栢齋史左丞夙病眉瘤初至館樓上夢仙拭面而瘤脫旣覺往謁呂仙亭物色如所見

牧童賦詩

鍾傳弱翁帥平涼呂帝幅巾衣白紵衣往見有牧童牽黃犢隨之立庭下弱翁異其氣局閒雅指牧童曰道人能詩可賦此乎道士笑曰不煩我語是兒自能之牧童乃操筆大書曰草鋪橫野六七里笛弄晚風三四聲歸來飽飯黃昏後不脫蓑衣臥月明旣別人皆見其擔二大甕長歌出郭或報弱翁曰甕二口此呂公也亟追之不復見矣

黃鶴題詩

武昌守倅一日對奕有道人不通姓氏直前曰吾國手也守試與奕纔下僅八子卽曰太守負矣守曰汝子未盈局安知吾負道人曰吾子已分途據要津矣是以知之已而果然如是數局守皆負俄拂袖去不見守令人尋之聞在郡治前吹笛纔至郡治前則聞笛聲在東至東則聞在西至西則聞在南至南則聞在北至北則聞在黃鶴樓前道人走往石照亭中不見但見亭中有詩曰黃鶴樓中吹笛時白蘋紅蓼滿江湄衷情欲訴無人識惟有清風明月知末書一呂字改名呂仙亭

詩贈笠翁

道藏輯要

聖蹟紀要

天

壁集五  
卷之六

康熙辛亥夏呂帝降神於壽民佟方伯之寄園正在判事李笠翁名忽過之方伯曰文人至矣大仙何以教之呂帝云笠翁豈止文人真慧人也正欲與之盤桓可先倡一韻吾當和之因呈絕句一首云今古才人總在天詩魂不死便成仙他年若許歸靈社願執諸君款段鞭呂帝和云聞說陰陽有二天詩魔除去是神仙相期若肯歸靈窟命汝金門執玉鞭復贈一絕云瀟灑文心慧自通無端筆下起長虹波平雲散停臺處萬里秋江一笠翁

詩示天基

維揚石天基性喜念佛日常不輟一日遊虎邱後山絕頂殿宇



輝煌傍有靜室供呂帝像因焚香默叩以時常念佛有無功效求明示夜夢示云念佛虔誠卽是丹念珠百八轉循環念舍利超生死念結善提了聖凡念意不隨流水去念心常伴白雲開念開妙竅通靈慧念偈今留與汝參

### 廣陵散錢

呂帝遊廣陵市以十千錢散之方陌及晚視之拾者無遺止遺其三一落泥中一落草中一落井中磚石縫最後有兩人汲水見而爭取之帝君曰愛財如此何可化耶

### 路指仙姑

何仙姑零陵市道女也年十三歲隨女伴入山採茶偶失伴獨

### 道藏輯要

聖蹟紀要

三

壁集五  
X2001

行迷歸路見東望下一人修髯紺目冠高冠衣六銖衣卽呂帝也仙姑始僕僕亟拜之呂帝與一桃曰食此盡他日當飛昇不然止居地中也仙姑僅食其半帝君指以歸路仙姑歸自謂止一日不知已逾月矣自是不饑無漏洞知人事休咎後尸解去呂帝嘗謂仙姑曰吾嘗遊華陰市中賣藥以靈丹一粒置他藥萬粒中有求藥者於瓢中信手探取入手而此丹入手卽墜因歎世間仙骨難值如此

### 海蟾得道

劉海蟾初名操字宗臣燕山人以明經擢甲第仕遼爲盧龍司馬累遷至相位平昔好談性命欽崇黃老及劉守光僭稱燕帝

解卽綬去作詩曰拋離火宅三千口屏去門兵百萬家遂改名玄英號海蟾子遍遊訪道遇呂帝授以金液還丹之要乃道蹟修真得成仙道遊行塵市追汎秦川陶真太華潤形青城

### 上竈得度

呂帝初得道自終南鶴嶺回鄉里省墓偶步南郊蒲陰村見一人坐柳樹下性極通靈知卽行童寄兒後身也祖因曲爲黠化付成丹服之易其魔相令守爐執炊呼曰郭上竈

### 曹仙得度

曹仙名景休曹皇后弟彬之孫也恥其弟景楠倚勢不法伏罪遂隱蹟山岩葛巾野服矢志修真一日孚佑帝君同正陽帝君

### 道藏輯要

聖蹟紀要

三

壁集五  
X2001

來問曰聞子修養所養何物對曰養道曰道何在曹因指天曰天何在曹又指心二師笑曰心卽天天卽道子親見本來矣遂授以還真祕旨令其修鍊未幾道成二師引之而去

### 孝感遇仙

鄂州治南呂仙亭前有棗樹相傳自唐以後未嘗結實一日呂帝偶憇其下忽有實如瓜太守命小吏採而進吏性至孝親死無倚帝君教其私啖吏從之食畢卽飛去因改名仙棗亭

### 會邵談易

邵康節先生精於易理一日靜坐忽見風過占之遇兌再占外卦復遇兌喜曰呂先生至矣兌爲口兩俄而一道人至邵叩其

道道人曰既知我來必知我去易理通達就中探之可得因授以口訣卻依法修之遂得尸解

即從祀聖廟其學得之希夷故當於仙品位證真人

法真求度

呂帝遊華陰一道者伏地拜迎帝君曰子何爲也對曰僕乃劉法真昨見黃雲漸近今猶覆頂知有聖眞降臨

此與關尹紫氣何異

帝君因問所從來劉具述天寶中同人入壽春作茶遇一老僧令往五臺心慮其遠僧乃邀入蘭若發心出家二十餘年後知僧即文殊菩薩一日謂曰有大魔起必索汝等令眾各散去僕後居雲臺華陰觀爲法師嗣遇仙張公彌邀入石洞尋亦別去每恨遇佛仙而心不堅遂成腰疾望聖慈救拔帝君曰子之道業過道藏輯要

道藏輯要

聖蹟紀要

三

壁集五

重陽傳訣

王重陽眞人名中孚字允卿家世咸陽大魏村人政和壬辰年生初與武甲科年四十七解組歸棄妻子拂衣塵外已卯歲遊於終南遇正陽帝君同孚佑帝君因再拜求道密授口訣有詩曰四十八上始逢師之句次年復遇於醴泉觀更授金丹直旨爲更名嘉字知明號重陽二師去重陽穴居以修道成出關東遊度馬丹陽孫不二夫婦並叩處機劉處玄譚處端王處一郝大通是爲七眞

蕉葉題詩

元趙道士肖仙者修真杭州玄妙觀

玄妙觀本唐之紫極宮後觀元改玄妙觀今之眞聖觀明正統間復古青霞洞鑿池山麓額元時實無眞聖之名郡邑誌載眞聖者非

道藏輯要

聖蹟紀要

三

壁集五

於空寂夫大道之要出於自然手授詞曰悟心容易息心難息得心源到處閒斗轉星移天欲曉白雲依舊覆青山授口訣百字碑數言更囑曰虛其心實其腹凝其神守其中伏念守一如雞抱卵天根月窟往來循環工夫已到自然坎水生鉛離火生汞二候得藥四時妙用抽添溫養脫胎神化方證仙階語頃竟失所在趙躬承指訣修養壽登一百六十有四化白鶴上昇弟子等感仙眞降蹟踰孚佑帝君及趙祖二像於蕉池雲壑之上至今存焉

或云黃德淵眞人事未詳存攷

仙像產芝

呂帝常憩於廣西梧州郡人因構亭其上曰呂仙亭元大厯間

時疫大作有張彥才者夢一道士入其家求庭前樟樹爲呂仙像張許之明日樟被風拔置庭下疫遂息今仙像卽此木也元末像之左手指間產芝一本狀若蓮花馨香襲人

武昌賣墨

呂帝遊武昌爲貨墨客墨一笏僅寸餘而價錢三千連不售有鼓刀王其曰墨小而價高得無有意耶自以錢三千求一笏且與客劇飲醉歸昏睡午夜俄有叩戶者乃客以錢還之辭去比曉視墨乃紫磨金一笏上有呂字遍尋客已不復見

墨化成金

韓忠獻公琦晚年延方士呂帝鵲衣垢面來見韓曰君何能曰道藏輯要

聖蹟紀要

書

壁集五  
川〇〇

能墨試令爲之卽掘地坎洩焉韓不悅呂帝和揉坎中泥爲墨曰成矣遂去公徐取墨視之乃良金也上有呂字破之徹肌理韓追悔無已

管片浮波

涿江筆師翟某喜接方士呂帝往見翟館于家禮遇殊至自是往來彌年一日翟翟遊江之游嘴筆管爲二片浮於波上呂帝履其一引翟效之翟怖不敢前呂帝笑而濟及岸俄不見翟始悔浹旬復來自挈飲食翟皆臭腐也翟掩鼻謝弗食呂帝太息曰若不能惡食吾以肉醬兩瓶遺君遂去不復見開視醬瓶皆磁金也

鮪魚再活

呂帝遊廬山酒肆見剖魚作鮪曰吾令此魚再活鮪者不信呂帝以藥一粒納魚腹中良久跳躍如生鮪者驚試放於江圍圍洋洋悠然而逝旋覓呂帝不見

谷客

元豐中東京有道人稱谷客與布衣滕忠同飲酒將起以藥一丸遺滕滕素有風癰服之卽愈遂別又二年於揚州開明橋東遇谷客坐水次招滕滕取路跨橋而往至則無所覩始悟其爲呂帝也

呂元圭

道藏輯要

聖蹟紀要

書

壁集五  
川〇〇

呂帝遊江夏托名呂元圭往來居民楊氏家爲人言禍福事甚驗一日忽辭去曰惡人至矣吾將避之是夕提點刑獄喻某行部至鄂覓之已不見僅遺內丹一卷云

詣張參政

張公洎早年家居呂帝往見之與講周易併孟子存心養性之旨因索縑筆作八分書詩一章微示他日將佐鼎席之意卒章曰功成當在破瓜年後張果參知政事

神光繪像

呂帝遊山陽神光觀西筆自繪已像於三清殿北墻眉目修整貌古性不類世所傳上有北斗七星君相被髮重珪立傍作



一符徑丈餘書曰元祐二年作如知吾下筆處可以語道人有疾刮符服之輒愈或見神人儀觀甚偉曰吾神光符使也自言暴露後人以紗籠幔之

長溪飯店

福州長溪縣老嫗開飯肆道中有道人來食畢以火柴頭書壁作呂洞賓三字光艷奇偉太守聞之騎往觀則字已漸銷移時沒無餘迹信神筆也

兗州妓館

兗州妓侯姓者爲即以舍客呂帝易服求授館蚤出暮歸歸必大醉逾月不償一金侯召啜茶呂帝曰吾見鍾離先生謂汝可道藏輯要

聖蹟紀要

三

聖集五

以語道侯不省以酒飲之呂帝索飲不已侯滋不悅呂帝伸臂示之金釧燦然解其一令市酒侯利其金曰飲罷寢此乎曰可也即登榻鼻齣齣至夜分侯迫榻呂帝以手拒之侯亟去遲明失呂帝所在視其身則手所拒處呂帝微肌上侯感悟曰此呂帝也得非吾宿世一念之差遂至於此帝君其來度我乎即斷髮布裘往尋帝君不知所終

七夕題詩

元豐中呂惠卿守單州天慶觀七月七日有異人過焉書詩于緡曰四海孤遊一野人兩壺霜雪足精神坎離二物君收得龍虎丹行運水銀又曰野人本是天台客石橋南畔有舊宅父子

生來有兩口多好笙歌不好拍惠卿婿余中解之曰後篇第一句賓字也第二句石橋者洞也第三句兩口者呂也第四句者吟也吟此詩者其呂帝乎

跛仙遇道

長沙劉跛仙遇呂帝于君山得靈龜吞吐之法功成歸隱岳麓自號瀟湘子常侍呂帝往來抱黃間呂帝數游城下有詩曰南山七十二獨愛洞真墟後有鄭思者遇跛仙于清泰門外相與俱仙去

治圃解經

陳澹然富而儒者也性慕道延雲水士多年竟無所遇呂帝托道藏輯要

聖蹟紀要

三

聖集五

爲傭者爲治圃歲餘所作工役力過常人陳愛之然止以傭者待之而已一日陳與一道友講陰符經至天發殺機天地返復未曉殺機之旨呂帝從旁抗聲曰生者不生死者不死已生而殺生未死而學死則長生矣陳大驚曰汝非傭者耶誰教汝爲此言既而詰之則復繆悠其辭不可解道友曰田野村夫定於何處竊得此語耳非實通曉也居無何忽辭陳曰吾將遠行明年五月五日午時復來也既去寂然陳有鄉人客于巴陵遇之曰爲我寄語陳公我呂洞賓也始以公可授道徐察之則不然吾不復來矣言訖走入呂仙亭竹林中不見明年端午日午時陳暴卒



向道人

湖州沈惟心慈善多陰德其家園最勝慶元中有一人青布巾袍形狀奇異徑入園內守者急白主人覓之不見但於後亭壁間題詩一章曰萬里來遊蜀道長杖藜閒翫百花莊誰家雞犬于家市中有神仙一鳥藏乳燕鴈鳩春自在落花飛絮水微茫主人了卻明靈事向此重開綠野堂末書向道人作或云向者回宇之轉必呂帝也

化呂惠卿

海陵徐神翁得仙道知人休咎賓客滿門呂惠卿往謁之適有道人踞上坐不起頗以語侵惠卿惠卿拂然曰子何人斯道人道藏輯要

聖蹟紀要

天

壁集五  
X.O.X

答云吾與若同族乃布香爐灰於地畫灰作一詞曰鼎裏坎離壺中天地滿懷風月一吸虛空塵寰裏何人識我開口問洪濛雲中三弄笛岳陽樓外天遠霞紅笑騎黃鶴暫過海陵東拂袖呵呵歸去鑾和玉佩風響喬松君若要知吾蹤跡試與問仙翁書畢拍手大笑而去不知所之惠卿問徐徐曰即呂帝也惠卿始悟同族之說追悔莫及

天慶繪像

眞州天慶觀知觀常敬仰呂帝一日發心欲塑帝像供奉匠人失期不至知觀怒甚忽一秀士來投宿詰知觀何愠知觀告以故士勸曰某善塑休動心來日塑以結緣知觀怒少解至夜醉

臥曙起覓士早齋已逸去正嗟歎間忽兩三道眾來云廊下祠堂內誰塑一呂帝像知觀驚異往觀塑像神彩清奇收一足端坐非凡手所能眾驚喜醺謝之後有祈禱無不感應三遭回祿其像獨存事載觀中碑記

遊寒山寺

蘇州閶門外十五里有寒山寺呂帝托呂姓秀士往遊適夜風驟作刮動塔上銅鈴晨獨未止寺僧與帝君茶話問言及夜來鈴鐸惱人僧戲曰君是呂先生曷不立禁其響帝君笑而不答遙吹烝禁之鈴果絕響僧驚訝仰觀回顧帝君已不見方省眞呂先生也後僧易以新鈴終不復響

道藏輯要

聖蹟紀要

天

壁集五  
X.O.X

衡山度僧

衡山僧智玄張其俗姓也一日遊本山紫蓋峯之修真院遇呂帝共話機鋒敏捷契合大旨帝君因詢法華經云釋迦佛與多寶佛入塔融會紫金榻上不分左右係說何事僧不能答遂作禮請問帝君曰此佛祖正法眼藏眞相空實教外心傳之妙二佛融會性命雙修也不分左右體一太虛也汝執一邊以見性爲能了何其偏乎僧再拜求點化帝君遂授以密旨僧歎曰不遇眞師幾誤此生帝君因贈一詩云得道純陽七百年五湖四海任風流此身已出三千界一日須遊數十州醉倒清風明月夜踏翻紅蓼白蘋洲禪門衲子休相笑我在華嚴最上頭詠畢

道書集成

出門乘雲而去

景德度僧

東京景德寺之義嶠院向有蜀僧住錫號義嶠道者戒律精嚴越二十年不去一日有異人造訪青巾白袍丰姿瀟灑僧厚待之異人昂然直入方丈與語半夜而去期以明年今日後相見侍童皆見之迫明年次日午候僧索沐浴跌坐而逝至暮異人來歎息不已眾叩之俄失所在但見堂側壁間絕高處有詞一章題曰落日斜西風冷今夜故人來不來教人立盡梧桐影末書同省作三小字蓋寓洞賓二字減畫也其所書字筆勢飛動如舞鳳翔鸞人所莫及

道藏輯要

聖蹟紀要

罕

壁集五  
川ヨシ

目講脫難

目講師元時人爲陳友諒擄去羈於軍中屢欲脫去不得後友諒與明太祖大戰於嶧陽湖全軍覆沒目講得脫太祖圖形遍緝師無所歸欲從盜波入海夜遁過西山指天畫地默祝神靈庇護適逢呂帝知其前因憐之以柳枝浸水灑其面逾刻白面變爲黑面以此得脫在延慶寺出家靜修多年精於地理與客談論必遮以簾幕故俗稱爲幕講師至今有地理平洋訣行於世

橋柱題詞

蘇州垂虹橋一日有藍襖道人攜酒於橋亭上獨酌嘯咏終日

神氣飄然眾計其所飲酒自旦至晡已非人量可及而容無醉態或詢其姓氏道人取佛前爐燼題一詞於柱上曰飛梁壓水虹影沉清曉橋裏魚村半烟草算今來古往物換人非天地裏惟有江山不老雨巾風帽四海誰知道一劍橫空幾番到玉龍嘶未斷月冷波寒歸去也紫極洞天誰鎖指雲屏烟障是吾廬任滿地蒼苔年年不掃後書吾洞賓也四字眾驚趨之俄不見至今立廟橋側香火甲於一郡蘇人猶有神仙之稱

巴陵度松

岳州巴陵縣白鶴山下有兩池潛巨蟒二條池畔植老松一樹枝幹悉槁蔓草翳焉呂帝過之見有人自樹杪降而拜曰弟子

道藏輯要

聖蹟紀要

罕

壁集五  
メメシ

松之精也幸見真人願求濟度祖曰汝本妖魅平日諒無善功奚可接手答曰池中兩蟒屢欲害人臣驅弟子每幻形待水次勸人遠避前後救活者約有數百言未已果有蟒從水中出似欲相向者呂帝叱劍斬之因授松以丹且歌曰獨自行來獨自坐世上人人不識我惟有南山老樹精分明知道神仙過今巴陵菴前猶存枯死老松惟旁一小枝獨生相傳呂帝神丹之力也世號稚松又有一巨石如墨狀亦呂帝所化至今存焉

關仙得道

四明關仙姑本貧家女幼有出塵志年十六父母將字之關不悅避入深山餒甚拾橡栗而食忽見一老翁鬚眉垂地碧眼有

光以手指關腹一畫曰吾已與汝斬赤龍矣自是可入道闢拜問道妙老翁密授玄旨關謝曰心傳雖得奈膏粱累人奚可代之老翁曰此易事耳袖中出一橡子大如彈丸光彩絢綉授曰食此卽不饑關食之移時方盡俄失老翁所在既歸遂不喜烟火食惟啖果飲水無復天癸至動履若神行父母因不奪其志滄祐中召至闕廷謝后愛之度爲女道士錫真人號後奉勅代太后詣龍虎山降香一羽流見之謂人曰肌膚纖麗眉目如刻畫宛然天女且神炁澹然清雅非凡人也關著作有女仙傳七卷自言所遇老翁卽呂帝云

### 曹女得度

道藏輯要

聖蹟紀要

聖

聖集五

按曹仙姑傳載呂帝遊河南至一古寺中夜深見有圓寂僧詣前作禮帝君詰之僧曰某係本寺長老及與言論機鋒頗敏捷帝君歎曰可惜汝爲陰靈之鬼爾僧詢其故答曰吾乃純陽隨機應變人皆見之汝何能也僧疑問帝君曰汝如不信今日某家設齋吾與汝偕往赴齋以驗所言僧諾同至某家齋主迎迓坐少頃主人供齋一分於前帝君曰吾二人也何以一進主人因復供之及齋畢呂帝起謝僧惟吸炁而已其家心竊怪焉問曰先生云有二人何止先生一人也呂帝飾言辭出僧始悟拜求點化帝君曰汝欲性命雙修形神俱妙必假父母元炁而成尙須受生爲人方可證真成果也僧以迷昧本眞爲慮帝君復

許其提醒乃指往托化僧隨念直入京城適曹后孕當產僧卽奪舍爲女身祖恐富貴家難於解脫遂布炁醜其形后慮上見憎越三日托故送母家養育既長貌益醜遂簪帶爲女冠後呂帝往提醒仙姑頓悟前因薰禮請問道妙得帝君授玄關秘妙修證雙圓自是舉筆成章著有語錄詩詞行世

### 度劉高尚

劉高尚天資淳厚識解超凡嘗遇一異人謂曰辟內銳鋒碎喪復完喻修真亦如此劉遂捐富貴情愛棄儒從道遁跡林泉後遇呂帝語契遂問曰道心惟微可得見乎呂帝答曰非耳目所及惟在精神默會又問允執厥中何謂中答曰七情未發處六

道藏輯要

聖蹟紀要

聖

聖集五

慾不生時是甚麼又問云何體式呂帝默然端視於空中畫一字劉拜云萬理歸元一性太虛弟子已無疑矣呂帝復曰慧命真空子知之乎劉不能對再拜請教呂帝密授口訣而去劉乃於渤海縣安定鎮築室居圓二十餘年修證圓成道化大行徽宗三下詔方至闕廷惟對以清靜自然無爲輔化之旨上問修鍊金丹祕妙對曰陛下日理萬幾此方外事不勞聖問上默然喜敬賜號微妙處士後遊羅浮山建立道場又於秀州隱真道院顯化皆有碑記所作還元篇行於世常教門人曰神炁炁聚炁息丹成心無妄念意不外馳死心塌地不必外求三處神化



度喬二郎

京師喬公二郎富豪好禮英勇擣謙真意待人慈心及物常施棺埋骨煮粥濟貧得感呂帝會遇自相見後每索酒飲至大醉或求錢物濟人喬欣然取與初無慳吝且時以狂放語言觸逆喬心如是指者往來幾年餘喬公絕不介意帝君嘉其德行援以修真臨辭去贈長歌一篇歌見詩集中喬後因之證道

度陳七子

刀鐮工陳七子偕妻坐茶肆梳剃一日有道人攜白金一錠求剃鬚髮陳纔剃卽生旣生隨剃如是者自旦及暮夫婦迭換數次而手幾脫腕鬚髮仍然陳心異其人因踞請曰幸教某道可道藏輯要

聖蹟紀要

聖集五

度楊太明

乎道人曰吾翌旦至陳早起俟之不至待月餘寂然遂棄業浪跡雲水間求之數十年無所遇意稍懈思歸去家纔五里許忽見道人自山徑中出曰吾呂公也子精忱如此何患不成道乎乃授以丹訣併與詩曰攜手三清玉帝鄉宿生緣契不尋常與君一轉金刀手削去滿頭無限霜後七子精修成證與師偕往

度楊太明

南康楊太明事親純孝執親之喪必廬墓三年時值七月七日楊尙居廬呂帝語之曰子八月有厄服吾藥則無恙腹間出一小壺取藥投太明吞之已而指檐上布袍曰能與我乎楊唯唯帝君納諸壺中楊滋感帝君笑曰吾豈爲是哉姑試子耳復探

諸靈還之少頃取杯水投藥以手和之如彈丸光彩奪目謂楊

曰願餌之乎楊答曰稍遲祖乃自餌焉徐云擬議卽非也子居此良苦亦思所以供朝夕否吾有以遺子乃取土一塊嚙之成紫金楊謂以利器我卻不受祖卽蹴金成石楊復曰諸君皆有詩遺我道人能惠好音乎呂祖應聲援毫拂地三四次濡杯水大書其壁曰楊君真確士孝行洞穹壤皇天憐其難七夕遣追往迤巡藥頑石遺子另饋享子旣不我受吾亦不知強風埃難少留願子志勿爽會當首鼠紀青雲看反掌末書同啓贈卽辭去其字初若暗昧不可識已而色渥如赭入壁數分後至子年正月呂帝來與之偕往焉

道藏輯要

聖蹟紀要

聖集五

度黃先生

黃先生一中棄儒入道篤志飯真建菴桐柏山中接待雲遊道眾數年未常少怠一日呂帝過之這菴求掛搭黃見其品格非常每日敬待不弛而呂帝故觸逆以試其心黃恬不爲怪誠謹愈加呂帝始授以密印黃得大洞徹明將別去黃拜求法語帝贈以長歌一篇末書云昌虛中留此片言用表其意他日相逢必與汝訣莫退初心善養善養後三年黃隨呂帝隱去

度施肩吾

施肩吾字希聖潯浦人少事佛博經史攻詞章後隱居豫章西山學道遇呂帝教以五行顛倒之法三田反覆之義得以證玄



道成日作詩曰重重道悉結成神玉闕金堂逐日新若記西山學道者連余卽是十三人或云鍾呂修真傳道集會真記皆施所編

### 度柳真君

柳真人名葵爲呂帝高弟傳爲北宋臣於南渡時盡難帝君嘉其忠悔其才度之成眞後從遊數化悲願最深顯靈衛道廣施方藥濟世活人功行普遍帝君演各品仙經眞人贊助趨承典務告成晉秩玉樞右宰宏教眞君之號靈蹟彰彰別有可考俗因郭上竈事認爲柳精查閱帝君聖蹟內載郭上竈精魂附於柳樹爲帝君所度亦並非柳精幸勿錯認附會也

### 道藏輯要

聖蹟紀要

聖

壁集五  
川〇〇〇

### 在陸肇祥

義臣有袁家山明兵部尙書袁可立陸園地也四圍林樹高聳巖壑水木清華景逾濯錦上建

純陽寶殿額曰夢覺迷津後供

呂帝閣目睡像跌坐胡床前設丹爐最後高亭四廡豁達清虛上供

長生大帝及

入洞仙祖聖像皆飛現雲中前後殿壁之間留題聖蹟欸多書回道入誌乘載袁尙書始祖榮世有隱德遞及尙書祖永康父淮皆崇奉

呂帝最虔可立降生之日淮夢

呂帝引一小童云汝家世代行善且知敬信我今將小徒爲爾後曰異日此地當出仙人卽以此肇祥淮甫晤而可立一生文章事業董宗伯其昌誌載甚詳而晚尤愛道故於在陸園崇建殿宇數重位置悉係夢中指點皆隱寓丹訣之秘至今靈應昭然焉

### 鄉國歸詠

永濟北郭外明洪武間建

純陽宮工甫竣製豐碑將爲文記之俄來一道士在碑旁移時而去上已有字係瓜皮書深入三分許濕氣氤氳如墨瀦淋漓

### 道藏輯要

聖蹟紀要

聖

壁集五  
川〇〇〇

曰予自金華謁帝回首陽鄉國暫歸來羣迷未識吾家趣何日重尋園苑媒今碑在殿內嵌壁上歲久構榘而鋒芒不減至今天將雨則筆畫濕潤眞異實也

### 百字碑記

河中永濟縣爲

呂帝故里今呂巷街遺留聖蹟甚多有仙杏及百字碑其碑乃從河水中浮出上有字云本性好清靜保養心猿定酒又何曾飲色欲已罷盡財又我不貪氣又我不競見者如不見聽者如不聽莫管他人非只尋自己病官中不係名私下憑信行遇有不輕狂如無守本分不在人殼中免卻心頭悶和光且同塵但

把俗情混因甚不爭名曾共高人論碑固石也而隔面對照人入望之皆能見天相傳以爲珍異云

留題九峯

山西蒲州府

純陽上宮孫元脫脫丞相奉勅崇建宮後卽

呂帝祖堂有留題九峯一什寶傳已久經臺講師朱巢先篆付焚修李志全刻石今碑在宮內詩曰金鉤灼灼舞天堦獨自騎龍去又來高卧白雲觀日窟間眠秋月劈天開離花片片乾坤產坎葉翩翩造化栽晚醉九崖迴首望北邙山下骨皚皚又曰春暖羣花半開逍遙石上徘徊欄擲玉律金訣間踏青莎碧苔道藏輯要

聖蹟紀要

哭

壁集五

東岱降乩

泰山記載 王母池東舊有蓬萊閣下爲乩在灣曾有乩能崇人且欲水害一方

呂帝以法降之俄爾石壁上自闢一洞內有

聖像乩每夜朝拜焉久乃飛去內有

呂帝留題曰昔日曾遊此如今九十春紅塵多少客誰是識予人後歎紹聖戊寅回回翁題又題曰昔年留字識曾來事滿華夷遍九垓無賴蛟虬知我字永留踪跡不沉埋後歎政和丙申題王母池北又畫符錄如雙環太極象舊刻題誌甚詳並述有

真人遺贊云留識記以符天陰陽有準伏蛟虬而位地功德無邊益謂

呂帝功德在民甚大非僅同世外仙人也今猶懸爲對聯供奉蓬萊閣上

錦屏留題

洛陽香山地接龍門脈聯樵洞

呂帝嘗往來其間題識最多錦屏爲清境極勝處嘗同許真君同題詩於此藉草爲筆書曰時當海晏河清日白鹿閒騎下翠臺本爲均平川裏去不妨卻到錦屏來回道入書

西神伏虎

道藏輯要

聖蹟紀要

哭

壁集五

江南無錫縣西神山志乘詳載舊有黑虎

呂帝伏之卽白雲洞故地也洞內有

呂帝降示文係傳邑人馮子丹訣文曰乾坤浩蕩世界清靈六合之中惟道常尊陰形剝盡陽質斯純左擎北極右掌南辰蓬萊咫尺人所當欽西神雲洞子刻吾真丹砂金鼎虎嘯龍吟蒼梧古柏日映月凝視彼塵世堪笑浮沉波波劫劫有甚來因何不回頭歸侍上清邑人杜訥記曰白雲洞在惠山之石門壁立峭壑呀然中開爲吾西神第一奇勝處相傳邵文莊先生嘗遇呂帝於此予惜未之見也有友馮子守約術精黃老志篤玄宗於康熙己亥春偕馬大赤登石門見一石仆于地詢之一道者

云此古聖像且晚有異光湧現土人誤毀之蓋棄置埋沒此間  
久矣于是馮子中心矍然乃披而出之命工重加修整爲  
呂帝像仍歸之白雲洞中與大赤崇奉唯謹因得

呂帝降示丹訣洞徹玄奧震聵啟蒙洵至寶也

### 東溟顯聖

東溟大將軍陳洪範兒時遇道者眼光射人熟視公曰孺子勉  
之異日統數百萬貔貅爲國家干城幸自愛詢之知爲呂帝已  
未春會遠左四路進師陳公當後勁大軍失利被創墮馬僵臥  
草中見兒時所遇道者相慰勞云救尔者至矣旋聞馬蹄聲數  
百跟蹤覓路遂以馬乘將軍疾馳而歸始信呂帝之記蒞不虛  
道藏輯要

聖蹟紀要

辛

壁集五  
川

耳將軍念呂帝與有夙緣節鉞所至必爲立祠甘肅石城招寶  
皆祠之其在家則爲祠於紅螺山麓最後鎮昌平平齊凱旋構  
鈴閣右隙地建堂三楹內舍爲丹室崇門邃扃視諸祠尤雄麗  
董尚書其昌爲書所遇始末勒之石至今巍然存焉